

NYANGWA Wo KHUMA

 Ndza khensa, Makwerhu Neville. Ndza khensa. Swi kahle ku vuya eNdlwini ya Hosi. Minkarhi hinkwayo ndzi tsakela ku vuyela endzhaku eka tabernakele, a swi na mhaka leswaku ndzi nga ya kwihi. Ku na swin'wana mayelana na xindzhawani lexi ya kahle leswi swi ndzi endlaka ku rhandza ku vuyela kona eka xona. Kova ntsena, oho, ndzi... Hi yona kereke ya mina yo sungula leyi ndzi yi rhangeleke. Kutani swi languteka swi ri kahle ku vuyela endzhaku nakambe. Kutani ndza pfumela leswaku eka mixo lowukulu loko dyambu ri va munyama na tinyeleti ti nyamalarisa ku voninga ka tona, ndzi pfumela leswaku ku tava na van'wana kwala tabernakeleni lava va nga tava va ri kona hi siku rero, lava hlantswiweke hi Ngati ya Xinyimpfana. Ndzi langutele nkarhi walowo.

² Tani hiloko ndzi nghena ekamareni sweswi, ndzi hlanganile na Sesi Arganbright endzhaku lahaya. Kutani u ndzi byerile leswaku ku na vanhu lava a va ri kona eka nhlengeletano yale Kingston, lava a va vhakile hi nkarhi walowo, kutani ndzi...ku...hi tsakile ngopfu kuva na vona laha tani hi vumbhoni. Laha va nga vaka vari kona, loko va nga yimisela mavoko ya vona ehenhla, lava a va ri kona eka nhlengeletano yale Kingston, eJamaica. Ntsena, ina, endzhaku kwale ndzhaku. Swi lulamile, swi kahle.

³ Ndzi vona poskarata ya Oral. Ndzi tshembha leswaku mi tivisile hi tinhlengeletano ta yena. A ndzi nga swi tivi ku fikela, masiku ya kona, ku fikela tolo. Ndza ehleketa leswaku wu sungula hi tisikisi, a hi swona xana? Tisikisi ku ya fika tififtini, Makwerhu Roberts eLouisville. Sweswi, fambani mi ya n'wi yingisela. Makwerhu Roberts i—i munghana wa mina wa mampela, nakona nandza wa ntiyiso wa Kreste. Nakona ndza pfumela leswaku mi ta ti phina hi mahungu ya yena, madyambu man'wana na man'wana. Kutani...yena, tani hiloko a khongelela vavabyi, ndzi—ndzi na ntiyiso wa leswaku mi ta vona Xikwembu xi famba famba, hikuva hi yena nhenha leyikulu ya ripfumelo, Makwerhu Roberts u tano, nakona i wanuna loyi Xikwembu xi n'wi tirhisaka hi matimba. Kutani ministri wa yena wu tlurile ku suka eka...

⁴ Ndzi tsundzuka loko ndzi hlangana na Makwerhu Roberts ro sungula, a ri eka xitendani xo khwaxa ehansi e St. Louis, Missouri, kutani mina a ndzi ri...ee, Kansas City, Missouri. Nakona a ndzi ri eKansas City, Kansas, eka muako lowukulu wa odithoriyamu. A tshame eka xitshamo xale mahlweni. Endzhaku ka loko xikhongelo xi humile, hi yile endzhaku

kutani a hi ri eku vulavuleni. Va ndzi tivisile eka yena. U ntsongo eka mina; Oral u le ka kwalomu ka makume mune. Kutani aku, "U ehleketa leswaku Xikwembu xi ta yingisela xikhongelo xa mina xo khongeleta vavabyi xana?"

Ndzi ku, "Makwerhu, Xi ta yingesela xikhongelo xa un'wana na un'wana loyi a nga ta khongela." Kambe, u sungurile ku famba, hiloko a ku, "Hi mina loyi ndza famba!"

⁵ Kutani i wanuna wo tlhariha swinene, na dyondzo ya le kholeji, mune wa malembe yo ndyondzela ntivo-miehleketo, kutani ndza pfumela leswaku i—i munhu wa vutlharhi. Kutani u tlakukile sweswi kufikela laha a nga na xitafu xa vatsundzuxi va yena laha a nga kona, na swin'wana, ku kondza, loko a vulavula, u—u rhanga a ehleketa. Kutani u ta n'wi tsakela hakunene, ndzi na ntayiso.

⁶ Kutani sweswi ndzi rhandza ku nyika xiviko lexi ntsongo eka leswi Hosi ya hina yi swi endleke eka nhlengeletano leyi ntsongo yo titsongahata leyi hi ngava na yona eJamaica nale Puerto Rico. A kuri nchumu lowu chavisaka lowu ndzi wu hundzeke, hikuva tiqigho to tala ta nghena. Tani hi Leo lahawani wa swi tiva, leswaku foyini... Nale ku fambeni ka vhiki, kuna tindhawu leti ti hlaiywaka ta madzana ti vitanaka tinhlengeletano. Kambe hambi swi ri tano ndzi rhandza ku titwa ndzi rhangeriwile loko ndzi famba, tani hi wona. Loko ndzi famba hikuva wanuna u rhumerile leswaku ndzi ta, swingaleswi ndzi ya hi vito ra kereke yaleyo kumbe nhlangano walowo. Loko ndzi nga famba hikuva Makwerhu Neville u vule leswaku ndzi famba, ndzi ta fanela ku famba hi vito ra Makwerhu Neville. Kambe ndzi rhandza ku famba loko Yesu a ndzi rhuma, swingaleswi u nga famba hi Vito ra Hosi Yesu, ku ya hlangana na vanhu.

⁷ Kutani a ndzi pavalarile emubedweni, nakona a ndzi karhele nyana. Nkova lowu, sweswi kumbe endzhaku nyana, ndzi ta fanela ku wu tshika nkova lowu, hikuva ntsena wu tshova nkolo wa mina ku fikela laha ndzi nga ha kotiki ku wu yimela. Ndzi nga ha ya ekule ndzi tlhela ndzi vuya... Hi vuya hi siku rin'wana, Leo na mina, ku nga si hela timayili ta makume mune, endzhaku kaloko hi vile na minkhukhulo eFlorida, nkolo wu tlhela wu basa, kutani ku nga si hela makume mune wa timayili hi ri eLouisville wu yima nakambe. Makwerhu Banks Wood a fanele a ri lahawani kun'wana mixo lowu. Kutani siku rin'wana loko hi vuya eKingston nale—nale Puerto Rico, laha ntsena nkolo wa mina a wuri kahle; kutani ndzi chikile eka xihaha-mpfhuka, a swa ha tshamisekile; kutani loko hi nga se fika eJeffersonville, wu pfaleka nakambe. Wa vona, i nkova lahawani. Ku na switsongwa-ntsongwana emoyeni, kumbe nkarhi wun'wana i Xikwembu, xi n'we xa swona, xi ringetaka ku ndzi yisa ekule. Swingaleswi, a—a ndzi swi twisisi. Ndzi khongerile niku kombela minkarhi yo tala.

⁸ Kambe, hambiswiritano, ntsena ndzi pfukile, a kuri kwalomu ka awara ya nharhu ni mixo. Kutani nsati wa mina na xifanyetana a va ettele. Kutani ndzi pfukile hi tlhelo ra mubedwa, kutani ndzi vona hlayo leyikulu ya vanhu va hlengeletanile endhawini leyikulu, kutani ndzi ku ka Billy Paul, “Famba u ya nghena endzeni u ya phaka vanhu lavaya makhadi ya xikhongelo.”

⁹ Hiloko aku, “Swi lulamile, papa.” Hi timinetse tintsongo a tlhela a vuya, kutani aku, “U ngaka u nga nyiki makhadi ya xikhongelo eka vanhu lava.” A ku, “Wa n’wi vona wanuna loyi a nga yima lahawani?”

Ndzi ku, “Ina.”

¹⁰ A ku, “A ri lahawani, kutani ndzi ku, ‘Un’wana na un’wana loyi a lavaka khadi ra xikhongelo, tlakusani mavoko ya n’wina.’” Kutani ndzi ku, “Ndzi yile ndzi ya n’wi nyika khadi ra xikhongelo, a ya kun’wana. Hiloko ndzi ya kwalahaya, nakona a ri kun’wana. Sweswi hi loyi a vuyaka hihala.” A ku, “A ndzi nge nyiki hambi kuri ku nyika rin’we khadi ra xikhongelo.”

¹¹ Ndzi ku, “Kunene, Billy, a wu fanelanga u phaka makhadi ya xikhongelo, hikuva ku na xivandla lexikulu laha kufikela laha un’wana na un’wana a nga swi kotaka...” Makhadi ya xikhongelo i ku endla leswaku ku ngavi na hasa-hasa...ma swi vona, niku va veka hiku lawuleka. Ndzi ku, “Oho, ndzi nga ha teka un’wana na un’wana kwalahaya, akuna ndzhawu yi kulu yo tlula leyi ndzi nga na yona, kutani ni va veka hi layimi ndzi va khongeleta ha un’we un’we.”

¹² Kutani a ku, “Swi lulamile.” Kutani a hundzulukela exineneni kutani a suka ka mina. Hiloko ndzi hundzuluka hi ndlela *leyi* tani hiloko a famba hi ndlela ya *leyo*, kutani a ndzi ri eku n’wi languteni.

¹³ Kutani ndzi twa Rito ri huma hi le Tilweni, ri ku, “Kambe eka nkarhi lowu Ndzi ta sungula ku ku kurisa.” Hiloko ndzi languta, kutani a ndzi nga si tsama ndzi vona ntshungu walowo wa vanhu, va humaka etindhawini to hambarana.

¹⁴ Kutani vito ra Makwerhu Roberts ri vitaniwile, va ku, “Sweswi Makwerhu Oral Roberts u ta eku ku voneni.”

Hiloko ndzi ku, “Xana ndzi ta n’wi xeweta njhani Makwerhu Roberts?”

Ri ku, “Ntsena hi ndlela leyi a nga ta ku xewetisa xi swona.”

¹⁵ Kunene, ndzi vona Makwerhu Roberts a ta a ambale suti ya ntima, na xihuku lexi ntsongo xo fana ni lexi Bing Crosby a xi ambalaka, vona va xi tlakusela ehenhlanyana nale hansi, xihuku nyana xa ntima. Kutani a ndzi yimile hi muxaka wale henhla, hiloko a languta ehenhla a ku, “Xewani, Makwerhu Branham.”

Hiloko ndzi ku, “Xewani, Makwerhu Roberts,” ndzi tlhavula voko ra yena.

A ku, “U na ntshungu wa kahle.”

¹⁶ Ndzi ku, “Ntshungu wa kahle, Makwerhu Roberts.” Kutani a hundzuluka a famba hi ndlela leyi Billy a yi endleke, a ya exineneni.

¹⁷ Hiloko ndzi ehleketa, “Hi kwihi laha ndzi nga vulavulaka na vona kona?” Kutani ndzi ringetile hinkwako ku kuma ndhawu laha ndzi nga vulavulaka kona. A ndzi ri eka xiyimo xexo, swin’wana ehansi, laha a ndzi nga koti ku vona laha ndzi nga—nga vulavulaka na vona kona.

Kutani un’wana a ku, “Kunene, tana haleno.”

¹⁸ Ndzi ku, “Kunene, u nge koti ku vona ku antswa lahaya.” Kutani ndzi sungula ku tsemekanya ndhawu. Hiloko ndzi tsundzuka leswi kwalaho, ndzi ku, “Xilo lexikulu eka mina ku xi endla i ku titsongahata embilwini, nkarhi hinkwawo, emahlweni ka Xikwembu na vana va Xona.”

¹⁹ Hiloko ndzi huma eka xivono. Kutani ndzi ehleketa, “Xana sweswo swi ngava swi vula yini? Kumbexana swivula leswaku hi tava na swona... Kumbe swi tava swi—swi tava swi ri kwihi?” Ma swi vona, minkarhi yin’wana, eka swivono, A nga ku byeli leswaku kwihi, ntsena Yena—Yena o vulavula kutani wena ntsena... Swi hi maendlelo ya xifaniso, nyana. Kutani ndzi na ntshembho wa leswaku n’wina mi hlayaka Bibele ma swi twisia sweswo.

²⁰ Hiloko ndzi ya ekamareni rale mahlweni ndzi fika ndzi tshama nyana xinkadyana, kutani a kuri hafu ku bile awara ya nharhu kumbe awara ya mune ni mixo. Ndzi ettele vurhongo bya kahle hakunene. Ndzi tlhelerile endzhaku kutani ndzi ya badama, kutani ndzi lorha norho, nakona awuri norho wo chavisa swinene. Nakona votala van’wina ma n’wi tiva un’wana wa vamininjhhere, Jack Moore, Makwerhu Jack Moore. I malembe ndzi n’wi tiva. A ndzi ehleketa leswaku a ndzi tihumesile na nhwana wa yena, nhwana wa kwalomu ka malembe ya khume nkombo hi vukhale, nakona a ndzi n’wi khomile hi voko, ndzi n’wi yisa ehenhla exigangeni, Jackie lontsongo. Kunene, ndzi n’wi tivile a ha ri n’wana loyi a ha mama. Nakona a ndzi n’wi rhangela ku n’wi yisa ehenhla exigangeni, nakona ndzi fambe tibloko tinharhu ta doroba ehenhla exigangeni, ndzi rhangerile nhwana loyi. Kutani hi fika ehansi ka nsinya lowu kulu, hiloko a tshama ehansi. Kutani kufana ni swinhwenyetana leswi ntsongo swa namuntlha swi ambalaka swikete leswi, ma switiva, xa muxaka wo kukumuka, kutani a ambarile muxaka wo kotisa walowo wa xikete. Kutani a teka xiketeniana lexi a xi andlala hiloko a tshama ehansi. Tani hi ntawa lowu ntsongo wu tololeleke ku langutana, u khondlile mavoko ya yena tani hi

leswi kutani a sungula ku languta ehenhla eswibakabakeni. Kunene, Jackie i xinhwenyetana xa kahle swinene, kambe u na nomo lowukulu na mahlo lamakulu, na misisi yo tshwukuluka, a nga koki mahlo ngopfu, kambe a ri ntombhi nyana ya kahle hakunene. Kutani ndzi nga ha vona mahlo ya yena lamakulu loko a ha languta ehenhla a swibakabakeni, ni ku vangama ka le henhla a kuri ematihlwani ya yena.

²¹ Kunene, ndzi fambile ku ringana magoza ya ntlhanu kusuka eka yena, muxaka wa ku tshama ehansi ematlhelo tani hi *leswi*, kutani ndzi teka xithumbhani kutani ndzi xi veka enon'wini wa mina, hiloko ndzi sungula ku cakunhya xithumbhani lexi. Kutani ndzi sungula ku ehleketa, "Xana ndzi endla yini ehenhla lahawani? Hikokwalaho ka yini, mina wanuna wo dyuhala, na nhwanyana loyi lontsongo. Hikokwalaho ka yini," ndzi ku, "Ndzi tekile nakona ndzi na vana vo hlaya. A kuna lexi ndzi nga xi endlaka lahawani na xinhwenyetana lexi."

²² Kutani ndzi sungula ku yima. Kutani, loko ndzi ta va ndzi yimile, Rito ri ta ri huma emurhini, ri ku, "Leyi i sayini nakona yi na xivangelo."

²³ Hiloko ndzi pfuka, kutani ndzi huwelela, e—e norho wo chavisa. Ndzi ehleketa, "Oho, ndza hlamala loko sweswo swi vula kuri ndzi ta tlhelela endzhaku kumbe swin'wana swi ta ndzi humelela? Kunene," ndzi ehleketa, "loko ndzi ya eku ringetenka ku tirhisa miehleketo ya mina, swingaleswi ndzi ta swi hlanganisela, swingaleswi ntsena ndzi ta yimela Xikwembu." Kutani ndzi sungula ku khongela. Ndzi ku, "Hosi, ku nga hava kuri norho lowu wu fambelanaka na xiphemu xexo xa xivono xa ni vusiku, kumbe swi vula yini?"

²⁴ Endzhaku ka kulangutela nkarhi wun'wana, kumbexana awara, (Nsati wa mina akuri khale a pfukile nakona a lulamisile na swo fihlula.), hiloko Rito ri vuya nakambe, kutani riku, "Famba u ya eKingston, kutani u ta byeriwa kona leswi u fanelaka ku swi endla."

²⁵ Swingaleswi, hi xitshuketa ndzi yile eKingston. Kutani va—va swi tivile hi Wavumune ni nhlikani leswaku ndzi tava ndzi ri kona hi Wavuntlhanu. Xexo hi xona hinkwaxo xinavetiso lexi a hi ri na xona. A ndzi kahle ngopfu eka ku maraka....?....kumbe ku pimanyeta ntshungu, hikuva hakanyingi ndzi tala ku ngetelela eka swona. Kambe hi madyambu yo sungula, ndzi nga ha vula leswaku a hi ri na kwalomu ka khume mbirhi wa madzana ya vanhu, oho, kwalomu ka khume mbirhi wa madzana ya vanhu, va humile, hikuva a swi tivekile siku rin'wana. Kutani hi siku leri landzelaka va sungule ku tsutsuma va tsutsuma timayili ta mune, eka rhileyi, ehenhla ka tintshava. Un'we mutsutsumi a nga tsutsuma mune wa tiawara, hiloko van'wana va tsutsumi

va gonya ehenhla entshaveni. Kutani madyambu ya vumbirhi a kuri na kwalomu ka ntlanhu wa magidi. Kutani madyambu ya vunharhu ku pimanyetiwile khume ntlanhu wa magidi, kumbexani makume mbirhi. Nakona akuri na magidi ku andzisa hi magidi ya lava teke eka Hosi.

²⁶ Kambe xivono, a kuri kereke leyi ntsongo, nhwana a ri ntombhi leyi nga tiveku wanuna, ntsena n'wana, nakona sweswo a swivula vuntombhi bya kereke. Kambe tibiloko tinharhu ta madoroba ku ya exigangeni, a swi vula masiku manharhu yo chumayela. Kutani ni teka kereke leyintsongo ya vuntombhi hi ministri wa mina, kusuka laha a ri kona, ku ya ehenhla eka swilo swa Xikwembu, ku fikela laha yi ninginisaka xihlala hinkwaxo.

²⁷ Kutani, oho, swichumayeri na vanhu hinkwavo, va ri karhi va rila niku kombela niku khongotela, “Ntsena madyambu man’we kumbe man’wana mambirhi,” vaxiximeki va doroba.

²⁸ Hi sukile kwalahaya hi ya ePuerto Rico. Kwalahaya hi hlanganile na lowu kulu, ntsako lowu kulu swinene, magidi ku andzisa hi magidi va tatile patu, ku fikela laha ku nga pimanyetiwa makume mune wa magidi ya mi moya leyi teke eka Hosi Yesu. Kutani eku fambeni, ndza tshembha ndzi... ndzi vula leswi eka kereke leyi yi nga ya mina, kambe a ndzi nge swi endli ehandle evanhwini, laha ku nga riki na vanhu vale kaya, hikuva swi nga langutisiwa hi ndlela yo hoxeka. Kambe ndzi na vito ra muavanyisi laha xiphephanini, loyi a nga nyika mbulavulo loko hi nga si suka, kwalahawani, yena na vatirhi kulobye va yena.

²⁹ Kutani mina...A—a ku, “Hi xiximiwile laha xihlaleni hi kuva na swichumayeri swo hambanana.” A ku, “Loko Nkul. Billy Graham a ha kusuka laha xihlaleni sweswinyana,” kutani a ku, “hi vile na—na nhlengeletano yo kwetsima,” a ku, “kambe Billy Graham u hi tisele Evhangeli leyi hi tshamelaka ro yi twa minkarhi hinkwayo.” A ku, “Hiloko hi xiximiwa hi kuva na Nkul. Roberts exihlaleni,” a ku, “kutani Nkul. Roberts u hi nyikile nhlengeletano ya kahle ya masiku manharhu. Kambe,” a ku, “tihakelo a tiri tale henhla swinene ehotela,” a ku, “u sukela makume nharhu-ntlhanu wa magidi ya tidolara ya madyambu manharhu ya xikweleti, ya tihakelo tale hotela.” A ku, “Kutani Nkul. Osborn na yena u tile, laha a ri nandza wa kahle wa Kreste. Kambe,” a ku, “loko Nkul. Osborn a famba, a ku ri na kutsana,” a ku, “a swi languteka o nge hinkwaswo swi fambile.”

³⁰ “Kambe,” a ku, “hi xiyisisile eka nhlengeletano leyi leswaku hakunene a ku ngari na munhu eka platifomo leswaku Makwerhu Branham a ta n’wi khongeleta. Kambe,” a ku, “endzhaku ka loko xikhongelo xi humile, hi tlakulerile tilodi ta switulu swa khale swa mavhilwa na tinhonga to famba

hi tona na swin'wana na swin'wana, leswi a swi huma eka vayingiseri." A ku, "A ku nga ha ri munhu eka lowu nkarhi, Xikwembu xi te eka hina," a vula tano.

³¹ Ndzi ku, "Mi nga languteli swikhongelo swa mina; kambe swikhongelo swa n'wina leswi swi humaka kwalaho, tlhandlekanani mavoko eka un'wana na un'wana." Kutani kumbexani va tisile khume na vambirhi kumbe vambirhi eka platifomo, nakona, loko kuvonisisa ku enhlela ehansi, vanhu ntsena a va huwelela. A hi tshama eka hotela ya ntlawwa wa vumune, kutani hi hakerile tihakelo hinkwato ta hina na tindlela, hi hexe.

³² Mi pfunile ku swi endla sweswo, n'wina, hi vukhume lebyi a mi ndzi rhumela byona. Hi byona byi swi endleke. Kutani ndzi rhandza leswaku mi switiva sweswo, eka hinkwaswo leswi, mi na xiave eka swona. Kutani eka siku lerikulu lero kwetsima leri taka, Xikwembu xi ta mi tlherisela swona sweswo. Ma vona, a mi va nga na....

³³ Loko munhu hi yexe a famba a ya endla swin'wana, hiloko, ma swivona, loko munhu yaloye a famba, va ehleketa hi, "Ku tshikiwa lokukulu, Xikwembu xi hi tshikile." Xikwembu a xi mi tshiki. Xi na n'wina minkarhi hinkwayo. Ma vona, hi n'wina ntsena hi xitalo eka xona tani hi un'wana, tani hi un'wana na un'wana. Xikwembu xi nga ha tirhisa munhu eka ministri wun'wana, kambe sweswo a swi vuli leswaku munhu yaloye u na mavonelo eka Xikwembu. I ripfumelo ra n'wina eka Xikwembu.

³⁴ Kutani va famba lahaya hi swigirigiri swa khale swa mavhilwa, leswi a va swi teka tani hi swivhilwana swa swimovhana swa vana, kutani—kutani va vekela bodo nyana eka wona, va vekela vanhu eka swona kutani va va rheyila. Kutani endzhaku kaloko xikhongelo xi humile, ndlela leyi a va tsutsuma hi yona a yi basisiwa, a va famba kun'we na tigolonyi va rikarhi va sukumeta swikocikarani swa vona swa xikhale swi rhwele switulu swa mavhilwa leswikulu, na tinhonga to famba hi tona na swisangwana na swibedwana, kutani ntsena va famba va va siya, hikuva Vukona bya Hosi a byi ri kona. Sweswo hi leswi hi swi lavaka ku swi vona. Vanhu lava va humaka eka xifaniso kwalaho, Xikwembu xa famba famba.

³⁵ Ku vuyela endzhaku, ntsena ku pfuna eka mixo lowu, ndzi ya ekuvulavuleni eka timinetse tingari tingani. Kutani ndzi kombela vafana leswaku va nga humesi thepi. Masiku manharhu ndzi ri karhi ndzi tikeriwa hi ku ringeta ku ehleketa, "Leswaku ndzi nga vulavula hi yini?" Kutani mixo lowu, ndzi nga se suka, ndzi twe xitsundzuxo xo tiya xa ntiyiso embilwini ya mina xi yaka eka kereke. Kutani ni va byela leswaku, "A va kandziyisi tithepi, kambe mi nga tihumesi leswaku ti xavisiwa."

³⁶ Kambe hi nga se swi endla leswi, ndzi tsakela ku mi nyika vumbhoni byi ntsongo, lebyi byi nga ta mi endla leswaku mi va kahle. Byi ndzi endlile ndzi va kahle. Hi fambile eka rendzo ra masiku manharhu ro rhiya tinhlampfi, Leo na Gene na mina, na jaha ra mina Billy Paul na nsati wa yena, hi rhelela ehansi eka munghana loyi a taka laha eka tabernakele, ku suka ehansi eGeorgia. Kutani va hi tlherisele endzhaku exinkobyanini, a ndza ha kutivi laha xi nga kona sweswi, ekusuhi na Okeechobee kumbe swin'wana swo fana na sweswo, a ndza ha ritivi vito leri ma Seminole Indians va nga ri thya. Kambe, hambi swi ri tano, a hi fambe timayili to tala.

³⁷ Nakona Makwerhu Evans loyi, buti wa yena i mudyohi. Nakona i muphasi lonkulu wa tinhlampfi, swingaleswi u tlhelerile endzhaku eswikobyanini tinhweti tintsongo leti hundzeke. Kutani vani lexi va xi vitanaka nyoka ya "ground rattler." Kutani nyoka ya ground rattler yi n'wi lumile, kutani a tiyisela ku hanya. Nenge wa yena wu pfimba, kutani va n'wi yisa eka madokodela kutani va n'wi tlhava tinayiti. Swilo leswiya swa dlaya. Kutani va talele hi tinyoka ta milomo yo basa kwalahaya, tinyoka ta milomo yo basa, tinyoka tale matini, tingwenya to leha ku fikela eka makume mbirhi wa tifiti.

³⁸ Nakona loko ha ha ri eku rhiyeni ka tinhlampfi kwalahaya, a ndzi khomile nhlampfi leyikulu leyi yi vitaniwaka bass. Oho, akuri siku ra kahle ra—ra ku wisa. Kutani a yi kule ngopfu ku fikela laha ndzi tsandzekaka ku yi humesa ematini, kutani yi lo kala yi ololoxa xinjovo kutani yi tifambela, kumbe yi koka yi tintshuxa hi yoxe. Kutani a hi ri na ti nhlampfi to tala letikulu ta tibass, to ringana dzana na makume ntlanhu wa hi ntiko wa hlampfi leyikulu ya bass. Nakona tona, tin'wana ta ton a ti tika mintiko yo nyawula nyana, kusuka eka mune ku fika eka nkombo, nhungu wa ntiko. Kutani ndzi khome yin'we leyikulu ya kona, kutani yi chupuka.

³⁹ Kutani ndzi tlhela ndzi hoxela nakambe, hiloko ndzi—ndzi khoma yin'wana, kwalomu ka ntsevu, nkombo wa ntiko. Kutani a ndzi ri na ritoko ro leha leri a wu fanele ku ri khoma hile henhla ka lili pede. Kutani Makwerhu Evans ari na... Hinkwerhu a hi tsakamile swinene hi ku bodlomela endzeni ka mati, hikuva ko va a ridakeni. Kutani a hluvurile tintangu ta yena a tlhela a pfinya buruku hi le milengeni, kutani a tshame eka xindzawana xo oma, ku ringeta ku omisa mpahlia ya yena. Kutani a vona nhlampfi leyikulu yi tshombonyoka eswihlahleni, nakona a ndzi ri karhi ndzi bodlomela ku tsutsumela laha a yi ri kona. A ku, "Yima nyana, Makwerhu Branham, ndzi ta ku khomela yona." Kutani a tsutsumela kwalahaya. Kutani ndzi yi koka, a ndzi pfumela leswaku nhlampfi yi file, yi etlele eka phede. Kutani a tsutsuma ku ya yi tlakula. Nakona, loko a tava a swi endlile, u tlhave mukhosni, kutani hi loyi a vuyaka. Nyoka yo basa nhloko leyi yi vitaniwaka rattler yi n'wi lumile.

⁴⁰ Kutani hi langutile, kutani a kuri na mimbhovo ya matino enengeni wa yena laha Rattler nhloko leyi vuriwaka Rattler yi nga n'wi luma kona, kutani a twa ku vava swo chavisa ku kondza mihloti yi huma matihlwani ya yena. A ku, u twa onge marhambu ya yena ma lamarile. Kutani hi hina lavaya, timayili to tala kusuka exikobyanini. A ri wanuna lonkulu ku n'wi tlakula. Kutani loko nyoka yi ku luma, u kumeka u vabya hi swiminetsani nyana kufikela laha u lavaka ku fa. Kutani Leo a yimile a ri kona. Hiloko swin'wana swi ta emiehleketweni ya mina, "Wena wa ha ri Xikwembu!" Kutani loko a ha khome nenge wa yena ku wu tsimba, kutani na mimbhovo leyikulu laha nyoka leyi ya Rattler yi nga n'wi vutla hi kona, ndzi tlhandlekile mavoko eka ndzhawu yaleyo kutani ndzi ku, "Hosi, ku tsariwile eka Rito ra Wena leswaku, 'Va ta kandziya tinhloko ta tinyoka na swipame, kutani swi ngaka swi nga va endli nchumu.'" Kutani hi xitshuketa xexo, ku vava hinkwako ku suka enkondzweni. A ambala tintanghu ta yena kutani a sungula ku rhiya tihlampfi dyambu hinkwaro.

⁴¹ Hi famba emadyambyini yalawo kutani hi va byela ha swona, va ku, "Swa antswa u ya eka dokodela."

⁴² A ku, "Loko Xikwembu xi ndzi hlayisile ku fika la, Xi ta ndzi hlayisa eka ndlela hinkwayo." Hi rhiye masiku manharhu, ku ri hava na leswi a swi kombisa vuvabyi.

⁴³ Xikwembu xa ha ri Xikwembu. Xi hlayisa switshembhiso hinkwaswo. Na hinkwaswo swa ministri wa mina, walowo a kuri nkarhi wo sungula ndzi vona Xikwembu xi ta laha ku lumiweke hi nyoka, hikuva a kuri nkarhi wo sungula ndzi kuva na nkateko wa ku khongeleta un'wana loyi a nga luma hi nyoka. Ntsena tiva leswaku Xi hlayisa switshembhiso hinkwaswo leswi swi nga swa Xona, na Marito ya Xona ya kahle ya va na ntiyiso. Amen.

⁴⁴ Tsundzukani swikhongelo madyambu lawa na Wavunharhu lowu wu taka. Kutani mi khongeleta un'wana sweswi loyi a lavaka ku khongeleriwa hi ntuyiso, yaloye hi mina. Nakona, tsundzukani, yanani eka nhlengeletano ya Makwerhu Roberts loko yi ta edorobeni, nakona mi n'wi xeweta kusuka eka tabernakele.

⁴⁵ Hi nga se hlaya Matsalwa, ndzi—ndzi rhandza leswaku hi yima hi milenge ya hina xinkadyana. Nakona, ku nga chayiwi nchumu, a hi yimbeleleni khorasi kumbe timbirhi ta tinsimu leto kwetsima ta khale ta kereke, "Ripfumelo Ra Mina Ri Languta Ehenhla Eka Wena." Swi kahle, un'wana na un'wana a ni joyini eku yimbeleleni sweswi, ntsena a hi ri yimbeleleni. Nakona u nga ehleketi kuya hi leswi u yimbelerisaka xiswona, ntsena ri yimbeleli u kwetsimisa Xikwembu. U nga hi sumela rona, Makwerhu Neville?

Ripfumelo ra mina ri languta eka Wena,
 Wena Xinyimpfana xa Xihambano,
 Muponisi la kwetsimaka;
 Sweswi ndzi yingisi loko ndza ha khongela,
 Susa nandzu wa mina wu suka,
 O ndzi pfumelela eka leri siku,
 Wa kwetsima Wena!

Loko ndzi kandziya vutomi bya munyama hi
 ku tsendzeleka,
 Kutani tingana eka mina ti engeteleleka,
 Va na Wena Muleteri wa mina;
 Endla munyama wu va ku vonakala,
 Sula mahlomulo, ni ku chava kusuka,
 U nga ndzi tshika ndzi lahleka
 Kusuka eka tlhelo ra Wena.

⁴⁶ Ha ha korhamisile tinhloko ta hina, ndzi tsakela ku hlaya ntsalo lowu wu kwetsimaka wa Bibebe, Mukwe. Matewu, kuavanyisa ka vu7, ndzimana ya vu13 na ya vu14. Hosi yi nga ha engetela minkateko ya Yona tani hiloko hi Ri hlaya.

Nghenani hi nyangwa leyo khuma: hikuva nyangwa ya ku lova yi ahlamile, ni ndlela leyi yaka kona yi anamile, leyi yi yisaka ekuloveni, kutani lava nghenaka kona va tele:

Kambe nyangwa wa vutomi wu khumile, ni ndlela leyi yaka kona yi larile, leyi yi yisaka evuton'wini, kutani lava yi kumaka a hi vanyingi.

⁴⁷ A hi khongeleni. O Xikwembu, Wena u pfuxeke Hosi Yesu nakambe ekufeni nale sirheni, kutani u N'wi tisile eka hina mixo lowu tani hi Gandzelo leri hanyakha, hi kutitsongahata hi nyikela vutomi bya hina eka Wena hi vuntshwa, hi mianakanjo ya leswaku U ta hi anakanya. Loko ha ha ri vadyohi, hi file evudyoheni nile vubihini, U rhumerile N'wana wa Wena la nga swakwe, la nga endliwa hi nyama leyi yi dyohaka, leswaku a va mhamba ya swidyo ho swa hina, leswaku La nga dyohangiki, a va ni nhlomulo wa nandu, leswaku a nga hi vuyelerisa nakambe eka xinakulobye na Wena.

⁴⁸ Nakona, O Xikwembu, loko kuri na xidyoho exikarhini ka hina mixo lowu, xin'wana lexi nga sivelaka Moya lowo Kwetsima eka ku hi tisela Hungu ra Xikwembu eka mbilu yin'wana ni yin'wana ya hina, ha khongela leswaku, hi ku tititsongahata, Hosi, U hi rivalela vudyoho bya hina. Hi basise hi Ngati ya Hosi Yesu. Loyi...Hi n'wi tivaka, eka hina hi hexe, a hi nchumu, nakona ha tivula leswaku a hi nchumu. Kambe Wena wa kwetsima, Wena u ntiiyiso, Wena la lulameke, Wena la nga Xihlovo xa tintswalo. Nakona ha kasakasa lahaya hi ku tititsongahata namuntlha, tani hi mimoya leyi yi

tisolaka. Tani hi vumbhoni lebyi byi yaka emahlweni, kusuka eJamaica niku suka ePuerto Rico, laha U tirheke mintirho ya leyo leyikulu, O Xikwembu, i xikombiso xa kuta ka Loyi a Lulameke.

⁴⁹ Hilaha U poniseke Makwerhu Evans eka vuxungu bya matino ya nyoka ya leyo, hikuva a ri mupfumeri, nakona Marito ya Wena minkarhi hinkwayo i ma ntiyiso. Sweswi, Hosi, hi ponise eka matino ya rifu emixweni lowu, laha nala a nga hi luma niku hi chela vuxungu. Hi toti hi kuhanisa ka Wena, mixo lowu, Hosi, surhisa mimoya ya hina kutani u hi basisa eku hombolokeni ka hina. Hanyisa vuvabyi bya mimirhi leyi tshovekeleke ehansi hi matimba ya nala. Hinkwavo lava nga eVukoneni bya Matimba, leswaku va hanyisiwa.

⁵⁰ Vulavula na hina sweswi hi Rito ra Wena leri tsariweke, Hosi. Hi nga tivi leswi hi nga swi vulaka, kambe Wena u ta hi nyika swona. Kambe U ta hi nyika swona, Hosi, kutani u hi endla hi va lava tilulamiseke ku Vuya ka Wena. Ha swi kombela leswi hi Vito ra Yesu ni hi kwalaho ka Yena. Amen.

⁵¹ Ndzi tshama ndzi letile nyana, hikuva ndzi yimile sweswi. Kutani xikolo xa Sonto, ndza vhumbha, xi humile. Kambe ku na swin'wana ha xona, loko ndzi vuya ekaya ndzi titwa ndzi ri na nkarhi wo tala. Ma swi tiva, hikumeka hi hatlisa swinene, hi ndlela yin'wana. Swingaleswi, ntsena hi ya ekutshembheni ka Xikwembu.

⁵² Hosi ya hina a yi ri eku va nyikeni ka xitsundzuxo xo tiya eka vanhu va rixaka ra Yona, vanhu lava va khongelaka swinene. Hiloko A ku, "Nyangwa wu khumile, na ndlela leyi yi yaka kona yi larile, leyi yi yisaka eVuton'wini, nakona lava Yi kumaka a hi vanyingi." Sweswi, a swi nga yi hi ku avangari lava va khongelaka. A va ri va khongeri swinene. Kambe hikuva a va tshembhele eka kereke nale ka tidyondzo ta kereke na tidinominexini, nakona a va pfumerile (swinene) eka Xikwembu, a va ehleketa leswaku hinkwaswo a swi lulamile. Kambe A ri eku va byeleni leswaku ku tava lava ntsongo lava va nga ta nghena kona.

⁵³ Kutani ndzi le ku hlomaleni mixo lowu loko ndzi nga fananisa rixaka leriyi na rixaka leri. Wa vona, a kuri ku pfariwa ka nguva ya Vayuda, kutani A kongomisa eka kuhambara kun'wana na makumu ya kuhambara ka tinguva, ni kuva byela leswaku sweswiya swi nga endliwa eka tinguva leti hundzeke a swi endliwile ku nga se va na vona. Nakona va tsandzekile ku swi lemuka. Kutani a hi voneni swin'wana swa swilo leswi A vulavula hi swona.

⁵⁴ A va, xikombiso, a va nga pfumeli leswaku Xikwembu a xi ri eka Wanuna loyi. Xexo akuri xikhutu lexikulu lexi a va fanele ku xi tlula, xa leswaku hikokwalaho ka yini Yena a ri Munhu kambe a tlhela a tiendla Xikwembu yena hi Yexe. A

va nga swi voni leswaku Xikwembu xi nga tshama enyameni ya ximunhu. Nakona eka tinguva hinkwato, eminkarhini hinkwayo, Xikwembu minkarhi hinkwayo a xi tshama eka munhu. Munhu i muyimeri wa Xikwembu. Eka rixaka rin'wana na rin'wana, Xikwembu xi vulavula na vanhu va Xona hi milomo ya munhu. Minkarhi hinkwayo Xi hlawula un'wana kumbe xin'wana lexi Xi nga xi tirhisaka.

⁵⁵ Nakona U kongomisile eka vona, tani hi xikhunguvanyiso xexo, ha Abraham. A ku, a va byela, "Loko mi ti vitana 'vana va Abraham,' Abraham 'tatana' wa n'wina, u vonile siku ra Mina kutani a tsakela ku ri vona. Abraham, wa muprofeta." Nakona a swi kanakanisi leswaku Yesu a kongomisa eka vona leswaku A va kombisia leswaku A ri Mesiya, hikuva sayini ya Mesiya a yi N'wi landzela. Nakona swi vile hi ndlela yaleyo eka rixaka rin'wana na rin'wana, leswaku, sayini ya Mesiya. Kambe hambi swi ri tano a tiendla Xikwembu yena hi Yexe, Mesiya yena hi Yexe, sweswo swi va khunguvanyisile. A va nga swi twisisi.

⁵⁶ Sweswi, loko Abraham (loyi va n'wi vitanaka tatana wa vona) a hlanganile na Xikwembu, nakona Xona a xi ri enyameni, hikuva Xi dyile nyama ya rhole, xi dya na xinkwa xa mavele, xi nwa na masi, na botere, evukoneni bya Abraham, hambi swi ri tano Xona a xa ha ri Xikwembu. Abraham u Xi lemukile, Xikwembu, kutani a Xi vitana "Elohim," leswi vulaka Yehovha wa Matimba hinkwawo. Munhu la ambaleke swiambalo, na ritshuri eMirini wa Yena, kutani a tshama ehansi ka murhi, e ndzhutini, kutani a dya nyama a nwa na masi. Kutani lavo titimela, va timbilu ta tihanyi, vo ti lavela swa vona, valulami va Vayuda va nga N'wi pfumeli leswaku i N'wana wa Xikwembu, nakona va vula Abraham tatana wa vona. Kutani A endlela leswaku va swi vona leswaku Wa ha endla swilo swin'we, eMirini wa Yena, leswi Xikwembu xi nga swi endla eka nyama yin'wana loko Xi hlanganile na tatana wa vona, Abraham. Nakona Abraham a swi pfumerile. Kutani vona a va swi pfumelanga.

⁵⁷ Ma swi vona, loko Abraham a ha tshamile ehansi ka tende ra yena hikuva a endlile ku hlawula, nakona ku hlawuriwa kwaloko ku tisiwa emahlweni ka munhu un'wana na un'wana loyi a tswariweke emisaveni ley. Murhi wo saseka na wo biha wu vekiwile emahlweni ka munhu un'wana na un'wana. Kutani loko Lot, ntukulu wa yena, na varisi va vona va sungula ku phikizana hikwalaho ka minkamba; Abraham, tani hi munhu wo lulama, a ku ka vona, "Ntsena ku ngavi na ku phikizana exikarhini ka hina. Ntsena wena hlawula ndlela ley u nga ta famba hi yona." Ndhawu yaleyo yi ta eka vutomi bya mupfumeri un'wana na un'wana. Nakona swi le mahlweni ka wena mixo lowu, nale mahlweni ka mina.

⁵⁸ Lot a nga ehleketi leswaku u ya eku tlheleleni endzhaku, kambe u yile emahlweni a languta eSodoma laha swilo a swi olova. Kutani ku na minkarhi yo tala laha hi langutaka eka

ndlela leyi olovaka. "Ndzi ta joyina kereke leyo ngere-ngere, nakona, ma swi vona, ku hava munhu loyi a nga vulaka swin'wana leswi swi lwisanaka na swona, hikuva i kereke leyikulu leyi yi nga edorobeni." Ndlela leyi yi olovaka! Minkarhi yo tala hi endla sweswo, loko, hi hoxile!

⁵⁹ Tsundzukani, loko mi landzela Kreste, mi ta vengiwa hi vanhu, hikuva hinkwavo lava hanyaka hi ku khongela eka Kreste Yesu va ta xanisiwa. Kutani loko mi ta eka Kreste, mi ngaka mi nga ti hi kereke yin'wana kumbe hi dinominexini yin'wana, kumbe hi dyondzo yin'wana ya kereke. Mi ta ta hi Ngati, yaleyo hi yona ndlela ya ku nghena ntsena. Nakambe u ngaka u ngati na un'wana, u ta ta u ri wexe u ta yima hiku hlambanya ka wena na ripfumelo ra wena. A wu nge ngheni endzeni hi mufundhisi wa wena, kumbe hi ripfumelo ra manana wa wena. U ta ta u ri wexe loko u ta eka Xikwembu! Kutani minkarhi yo tala hi endla swiboho swa vuphunta.

⁶⁰ Ku nga humeleta yini loko Lot, loko a vona hinkwaswo swi olovile...? U vonile laha a kuri na mali yo tala ni ndhuma yo tala, hikuva u tava a ri muendzi, ni kuva munhu wo tlhariha, wo dyondzeka, wo talela hi dyondzo ya swa miehleketo, nakona a nga ha endla swilo swin'wana na swin'wana hambi swi ri tano a va a ha hlaysia vukhongeri bya yena. A ehleketa, "Ndzi na ripfumelo eka Xikwembu, swingaleswi ntsena ndzi ta rhelela eSodoma nakona ndzi—ndzi ta endla mali yo tala, nakona ndzi tava munhu wa kahle, kumbexani muchumayeri wa kahle." Wa vona, mi na xiboho lexi mi faneleke ku xi endla.

⁶¹ Ni vatitsongahati va ni xiboho lexi va nga xi endlaka. "Ndzi ta rhelela eka kereke yin'wana lahaya. Oho, un'wana na un'wana loyi a nga edorobeni u ehleketa leswaku leyi hi yona ya nkoka! Hikokwalaho ka yini, hikuva meyara wa doroba u nghena yona kereke leyi." Sweswi, a nga hava eka kereke leyi nga kahle hakunene, kambe hambi swiritano u fanele u avanyisa kereke yaleyo na vanhu va yona hi Matsalwa. Nkarhi wun'wana va ya hikokwalaho ka kuva ku ri ndlela yo duma, va—va vanhu va ambala ku antswa lava yaka eka tindhawu tin'wana. Kutani kwalaho hilaha hi endlaka xi—xi xihoxo lexikulu swinene. Sweswi xiyisisani leswi.

⁶² Kutani Abraham, xilo xin'we ntsena lexi a faneleke ku xi endla a kuri ku teka xiboho xa vumbirhi. Kutani minkarhi yin'wana xiboho xa vumbirhi xi antswa kutlula xo sungula, loko hi swi teka hi ndlela yaleyo. Xiyisisani, a ku ngari khale, loko Lot a vona doroba lerikulu, a nga voni nsati wa yena loko a hundzuka tshuka ra munyu, hambi swiritano, a nga voni ndzilo lowu wu hisaka doroba. Kambe Abraham u teke ndlela ya Hosi ni lava tsan'wiweke lava ntsongo. A tshama emananga.

⁶³ Kutani, hambi swiritano, a ku ta humeleta yini loko Sarah a lo... Sweswi tsundzukani, Sarah a ri wansati wo saseka ngopfu

etikweni hinkwaro. A ku nga ri na wansati wo saseka ku fana na Sarah. Un'wana na un'wana, loyi a n'wi vona, a n'wi rhandza. Sweswi, a swi ta olova njhani eka Sarah ku teka ku hlawula kwaloko. Kambe a tihlawulela ku tshama na Abraham.

⁶⁴ Oho, vavasati, mi nga pfumeleri javulosi a mi pfala mahlo, kuva ni ndhuma ni ku joyina *leswi* na *leswiya*. N'wina tshamani na Kreste! Hikuva, awara yi le kusuhi, ku onhaka lokukulu ku le kusuhi, ko chavisa kutlula Sodoma na Gomora, eka tiko leri. Sodoma na Gomora ri va xitshinyo eka yona.

⁶⁵ Sweswi, loko Abraham a ha teke ndlela leyi a yi nyikiweke hi Xikwembu, kutani a va ni xitikwana lexi ntsongo, a nga kalanga a humeleta eka hinkwaswo. Kambe hambi swi ri tano a tiva nchumu wun'we ntsena, a tirhela Xikwembu nakona a pfumela eka Xikwembu.

⁶⁶ Swingaleswi siku rin'wana lahaya kutile vavanuna vanharhu, kutani avari na ritshuri vatlhela va karhala, hiloko Abraham a va twela vusiwana, a ku, "Tshunelani haleno mi ta tshama ehansi ka murhi lowu wa nkuhlhu xinkadyana." Kutani loko a ha yimile kwalahaya a vulavula na vona, u tekerile enhlokweni leswaku a va ngari vanhu va ntolovelo. Hi ku vulavula ka vona, a va hambanile. Kutani Abraham a suka a ya lerisa leswaku ku dlayiwa rhole, kutani Sarah a endla xinkwa kutani a xi lulamisa ku va phamela.

⁶⁷ Sweswi tsundzukani, vambirhi va vona a vari Tintsumi, Tintsumi enyameni ya yumunhu, kutani un'wana eka vona a ku ri Xikwembu hi Xoxe. Kutani Loyi a ri Xikwembu a fularhela etendeni hi nhlana wa Yena.

⁶⁸ Kutani Sarah a tshamile endzeni ka tende. Ndzi tsakela ku vona wansati a hlayisa ndzhawu ya yena hi ndlela ya leyo, ku ngari ku humela ehandle a ya byela nuna wa yena leswi a fanelaka ku swi endla, nakona minkarhi hinkwayo un'wana a ta. Kambe a tshama endzeni ka tende. A swi kanakanisi, kumbe a hlantswa tindhichi kumbe a endla swin'wana.

⁶⁹ Kutani Un'wana Loyi a ri Xikwembu, A tshamela ro langutisa eSodoma, kutani A va byela leswi A yaka eku swi endleni. Kutani Tintsumi timbirhi ti enhlela kona ku ya chumayela Evhangeli. Kambe Un'wana a sala endzhaku, loyi hi Un'wana loyi a ri Xikwembu, hiloko A ku, "A ndzi nge n'wi tumbeteli Abraham swihundla leswi Ndzi swi tivaka, hikuva u tava mudya-ndzhaka wa misava."

⁷⁰ Oho, hi na lunghelo mixo lowu, kereke, ku tiva swihundla swa ku Vuya ka Hosi. Hikokwalaho, "Ku katekile lavo rhula, hikuva va ta vitanawa vana va Xikwembu. Ku katekile lava nga ni ndlala na torha ra leswo lulama, hikuva va ta xurha. Ku katekile lava nga ni timbilu leti tengeke, hikuva va ta vona Xikwembu. Ku katekile lava titsongahataka, hikuva va ta dya

ndzhaka ya misava.” Swingaleswi, loko kereke ya Xikwembu lexi hanyaka yi ta dya ndzhaka ya misava, a ku na xihundla lexi tumbeteriweke yona.

⁷¹ “Hinkwaswo leswi Tatana a nga Ndzi byela swona, Ndzi mi byerile swona,” ku vule Yesu. Kutani a va N’wi pfumelanga.

⁷² Swingaleswi emasikwini ya Abraham, tani hilaha A kongomiseke eka vona, A ku tani hiloko Abraham a vulavula na Ntsumi, kutani nhlana wa Yena a wu fularhele tende, kutani A byela Abraham leswaku U ta n’wi endzela na n’wana. Kutani Sarah, endzeni ka tende, a hleka. Kutani A ku, “Hikokwalaho ka yini Sarah a hleka?” Xana A kombisa yini? “Hikokwalaho ka yini Sarah a hleka?” A ku sele tiawara tingari tingari ku ngasi va na ku onhaka, loko sweswo swi humelela. Ntsena ku nga si va na ku onhaka, ndzilo lowu wu humaka ematilweni kutani wu hisa doroba, kutani xikombiso xexo a xi endlekile.

⁷³ Kutani Yesu a ku, “Mi endla xihoxo,” eka vadokodela vakahle va vukwetsimi, eka tiko ra vukhongeri laha mamiliyon i ya votala a vari va pfumeri. A ku, “Mi endla xihoxo, a mi ya tivi Matsalwa hambi kuri Matimba ya Xikwembu.” Eka rixaka ro fana ni lero, laha a vari vanhu lava a va leteriwe kahle, lava a vari swichudeni nik u tlakusa kereke. Loko n’wana a tava a tswariwile, a ri nhundzu ya kereke. A wu fanele kuva Muisrael. Endzhaku ka nhungu wa masiku loko a tava a tswariwile, a kuri ku yimbisiwa, kutani a wu ri Muisrael kusungula hi swona. Kutani uprista a byi huma eka Valevi, lava a va leteriwe madzana-dzana ya malembe eMatsalweni. Hambi swiritano Yesu u teri, “Mi endla xihoxo, a mi ya tivi Matsalwa!” A va mativa eka tibuku ta vona to dyondza, a va mativa hi khatachizimi ya vona, a va mativa hi dyondzo ya vona ya vukhongeri. Kambe Yesu a ku, “A mi Ya tivi, Matsalwa, hambi kuri Matimba ya Xikwembu a mi ya tivi. Loko a mi tivile Abraham, a mi tava mi Ndzi tivile. Loko a mi ri vana va Abraham, a mi tava mi Ndzi tivile, hikuva Abraham u tsakile loko a vona siku ra Mina, hikuva u vonile siku. Loko Ndzi tava ndzi yimile emahlweni ka yena endzhaku lahaya, emirini wa nyama, kutani ndzi endla leswi, u swi tivile leswaku akuri Mina, hiloko a Ndzi vitana ‘Elohim.’ Kambe lahawani Ndzi endla swo fana na swona emahlweni ka n’wina, kutani mi Ndzi vitana ‘Belzebub.’”

“Oho,” va ku, “hi na Abraham leswaku a va vatata wa hina.”

“Mi vitana Abraham ‘tatana’ wa n’wina?”

⁷⁴ A ku, “Hikokwalaho ka yini, hina, hi nghena kereke. Hi tiko ra vukhongeri. Hi vanhu vakahle. Hi vanhu va Xikwembu!”

Yesu a ku, “Mi va javulosi, hi yena tatana wa n’wina.”

⁷⁵ Ndzi nga fananisa rixaka leriya na leriwani. Namunlha, loko lahaya kuri na ku ringana timiliyoni ta vanhu lava tivulaka Vakreste, kutani a va tivi nchumu hi Xikwembu ku tlula hi Muhotentotsi loko a nga tiva Muegipta na vusiku. Ku na vavanuna na vavasati namunlha, ku ringana mamiliyoni lava ti vulaka Vakreste va Kreste, a va tivi na xiga xo sungula xa Matimba ya ku pfuka ka Yena, nakambe a vakalanga va nantswa hambi kuri vunene bya Yena. A va kalanga va twa na Matimba ya Yena. Mahlo ya vona ya pfaleriwe Ntiyiso.

⁷⁶ A ku, “Mi mabofu, varhangeri va mabofu. Ri ngaka... ri... loko bofu ri rhangela bofu kuloni, xana va ngaka va nga weli egojini xana?”

⁷⁷ Swingaleksi va ehleketa, “Hi Vakreste. Hi vapfumeri. Hi va tikereke ta le henhla ka hinkwato leti ti nga kona. Varabi va hina i va leteriwa vo antswa swinene va swikolo leswi va nga xiswona.” Hambi swi ri tano Yesu a va byela leswaku a va tivi Matsalwa.

⁷⁸ Ma swivona hilaha Xikwembu xi nga swi tumbetisa xiswona eka mahlo ya tintlhari na vatikukumuxi, kutani xi swi paluxela vana tani hilaha va nga ta dyondza? Oho, Matimba lamakulu na vukulu bya Xikwembu lexi nga riki na makumu! Swi saseke njhani eka lava va tsakelaka ku famba emahlweni ka Xona! Xi ngaka xi nga tumbeti leswi swi nga swa kahle.

⁷⁹ Nikuva va vona siku leri loko tiko ra hina, misava ya hina, yi onhakile hi swilo swo fana!

⁸⁰ Yesu u lavile ku va lulamisa hi ndlela ya kahle. Va ku, “Oho, Abraham i tatana wa hina. Nakona hi tava eVukwetsimeleni, mi nga kali mi vilela ha sweswo, hikuva hi pfumela eka Xikwembu. Hi tiprofesa, nakona hi pfumela eka Xikwembu, kutani hi dyondzisa vanhu va hina. Kutani u mani Wena u taka lahwani na—na swihundla nyana swa xikombiso xa khale nakona u ringeta ku swi vula Xikwembu? A wo va nchumu handle ka kuva Belzebub.” Kwalaho mi nga kona, va na tidyondzo ta vona ta kereke na tidinominexini ta vona.

Yesu a va byela leswaku, “Mi va javulosi.” Ehleketa ha swona!

⁸¹ Kutani ndzi fananisa rixaka leriya na leri, namunlha loko hi kuma mamiliyoni ya lava va joyinaka tikereke, hi na makume ya magidi. Kutani Xikwembu xi enhlela ehansi ku ta hanya na kereke ya Xona nakambe, ni ku endla swo fana ni leswi Xi swi endleke lahaya, ku va Xona xi tiendla xa tolo, namunlha, ni hilaha ku nga heriki. Kutani vanhu va hundzuluka va xi fularhela, minkarhi hinkwayo, van’wana kuva va duma, van’wana va tshama va nga hlawuli. Ri sindzisiwile vanhu! Mi fanele ku hlawula. U ngaka u nga yimi exikarhi. Mi fanela ku vula leswaku “ina” kumbe “ee.” U

ngaka u nga humi hi nyangwa walowo wa ha ri xileswi u nga nghanisa xiswona. U ngaka u nga swi endli. U fanele ku teka xiboho. Swi endleli Kreste mixo lowu.

⁸² Va ehleketa leswaku hinkwaswo leswi nga swa kereke swi ta ponisiwa. Yesu u teri, “Nyangwa wu khumile, na ndlela leyi yaka kona yi larile, kutani lava yi kumaka a hi vanyingi.”

⁸³ Mi nge ndzi mi tsundzuxa mixo lowu, kereke, mi ti vonela. Swi teka nkarhi namuntlha, eka vululami bya hina, rixaka leri ri ti enerisaka ra vutikukumuxi leri hi hanyaka na rona. Eka awara leyi vavanuna na vavasati va yimaka etikerekenei nale switulwini, kutani va yimbelela tinsimu ta Xikwembu, kutani loko va huma ekerekenei yaleyo va dzaha tisigarete, va nwa na thothotho, vaya nale tigigini, niku—niku hanyela misava, niku vula thyaka, mafenya ya thyaka, nakona va ti vitana “Vakreste.” Loko vavanuna na vavasati va nga famba eka phulphiti kumbe ekerekenei, ni ku suka eka ndzhawu leyi nga na Matimba ya ku pfuka ka vafi, laha xikombiso xexo xo fana na xa Mesiya xi famba-fambaka exikarhi ka vona, kutani va ngavi swivumbiwa swintswa eka Kreste, ku na swin’wana swi nga hoxeka. Loko maphepha ya swi hangalasa; kusuka eribuweni ku ya eribuweni, endzhaku nale mahlweni, kusuka eka xifundzha lexi gwitsileke xa le N’walungwini ku ya emakhwatini ya le Dzongeni, Xikwembu xi yi rhumela, kutani vanhu va ya emahlweni va hundzuluka va yi fularhela. Swingaleswi xana hi nga vula yini, xana hi nga endla yini? Hi tlhelela endzhaku eMatsalweni laha A nge teri, “Nyangwa wu khumile, na ndlela leyi yi yaka kona yi larile, kutani lava yi kumaka a hi vanyingi.”

⁸⁴ A ku, “Tani hilaha a swi ri emasikwini ya Nowa, swi tava tano nile ku Vuyeni ka N’wana wa munhu.” Yingiselani, emasikwini ya Nowa, misava a yi tele hi vanhu tani hi leswi yi nga xiswona namuntlha. Sayense ya vona a yi tlula ya hina. Va akile swifaniso na tiphiramidi niku endla swilo leswi hi nga tsandzekaka ku swi endla namuntlha. Hi ku tlurisia, va kahle, vanhu va kahle. Kutani tsundzukani, sayense yi ri namuntlha, “I minete yin’we ku ngasi va vusiku.” I minete yin’we ku nga si ba nkarhi wa awara ya ku fa. Swi tlula hilaha hi ehleketa ha kona. Ndza tshembha leswaku hi ku—kutshembha leswaku Moya lowo Kwetsima wu ta swi nwelerisa leswi etimbilwini ta vapfumeri, “tani hi masiku ya Nowa”!

⁸⁵ I vangani va nga pona hi masiku ya Nowa, ehenhleni ka rixaka lero? Nhungu, nhungu ehenhleni ka mamiliyon yo tala. A ku, “Swi tava tano nale ku Vuyeni ka N’wana wa munhu.”

⁸⁶ “Kutani tani hilaha a swiri xiswona hi masiku ya Sodoma, swi tava tano nale kuvuyeni ka N’wana wa munhu.” Eka makume ya magidi, ku ve na vanharhu lava va nga ponisiwa.

⁸⁷ U nga ha vula leswi eka mina, “Muchumayeri, xana lava va nga ta vuya na Yena hinkwavo va magidi-gidi vona ke?” Sweswi, buti, sweswo swi endliwile kusuka eka tinxaka totala.

⁸⁸ Ndzi nga hlamala loko khume mbirhi va ta huma eka rixaka leri. “Kambe nyangwa wu khumile, na ndlela leyi yaka kona yi larile, kutani lava yi kumaka a hi vanyingi.”

⁸⁹ Oho, ndza ti tiva tikereke, leswi ti swi vulaka, “Loko u tsarisa vito ra wena a bukwini kutani u va membara, *leswi*, u endla kahle.” Ku hava Tsalwa leri vulaka sweswo. Loko swin’wana na swin’wana swi ri na vito a bukwini, nale—le kerekene, ku tava na mabiliyoni ku andzisa hi mabiliyoni ku andzisa hi mabiliyoni, swin’wana ni swin’wana swi ta nghena endzeni. Swingaleswi tinxaka hinkwato ta mimoya ti tava kwalahaya, kutani i muxaka muni wa Tilo lowu nga tava kona? Ehleketa hi swona sweswi.

⁹⁰ Tani hilaha un’wana a ngaku eka mina, “Sweswi yima nyana xinkadyana, Makwerhu Branham. *Swingere-ngere*, ndzi va twe va vulavula hi tindzimi, ndza switiva va ta swi kota.”

⁹¹ Sweswo a swi vuli leswaku va ta swi kota hinkwaswo. Paul u teri, eka Vakorinto vo Sungula 13, “Hambi ndzi nga vulavula tindzimi ta vanhu ni ta tintsumi, kambe ndzi nga ri na rirhandzu, a ndzi nchumu.”

⁹² “Oho, ndzi yile eka nhlengeletano ya *Swingere-ngere*. Oho, u endlile ya kahle, mintirho ya matimba. Ndzi n’wi vonile a endla bofu leswaku ri vona.”

⁹³ Ambi swi ri tano u va a ha lahlekile. “Votala va ta ta eka Mina hi siku lero va ku, ‘Hosi, xana a ndzi chumayelanga hi Vito ra Wena, a ndzi profetanga? Xana a ndzi endlanga, hi Vito ra Wena, a ndzi hlongolanga mimoya yo biha? Xana a ndzi endlanga, hi Vito ra Wena, ndzi endlile mintirho leyi kulu?’ U ta ku, ‘Sukani eka Mina, n’wina va tirhi va leswo biha, A ndzi mi tivanga.’” “Nyangwa wu khumile, na ndlela leyi yaka kona yi larile, kutani lava yi kumaka a hi vanyingi.”

⁹⁴ Mi nge ndzi mi nyika ringanyeto lowu wu nga ta mi ninginisa. Kuya hi vutshunguri bya xisayense, edorobeni ra Chicago, kuya hi mpimanyeto wa va dokodela, leswaku ku na makume nharhu wa magidi ya milandzu ya kuxixa eChicago ntseña, hi masiku ya makume nharhu, lawa madokodela va nga na wona. Xana i mangani maphilisi na swin’wana leswi va nga swi teka, eka milandzu leyi ya kuxixa?

⁹⁵ Mpimanyeto wa kombisa, eUnited States, leswaku ku na vana votala va nga tswariwa hi vuhunguki ktlula lava nga tswariwa endzhaku ka vukati byo teng. Xana ma switiva leswaku Bibele yi teri, eka Deuteronomia 14:2, leswaku, “e n’wana wa xihunguki, swi ta teka mune wa madzana wa malembe eka sweswo ku humela ehandle”? Vana va vana

va vana va vana va vana va vona va nge swikoti ku yima enhlengeletanweni ya Hosi, mune wa madzana ya malembe, rixaka ra vukhume. Makume mune wa malembe hi rixaka. Kokwa wa kokwana wa vona a ri xihunguki, u humile eka xifaniso! Sweswi i yini? Ndzi kombeni laha swi nga cincawi.

⁹⁶ Xana hi ta hi ta endla yini? Kutani sweswi vana va swihunguki, hikwalaho ka vuoswi, na swidyoхи swa vavasati lava ambalaka ku fana na vavanuna eswitarateni, laha ku nga manyala emahlweni ka Xikwembu, va dzahi va tisigarete, va nwi va swihoko, lava tivulaka Vakreste. Xikwembu xi nga wu pfumeleri ntlawu lowu wa tinghwavavani! Sweswo hi swona. Swingaleswi va tivitana Vakreste? A swi hlamarisi loko Yesu a teri, “Nyangwa wu khumile, na ndlela leyi yaka kona yi larile, kutani lava yi kumaka a hi vanyingi.”

⁹⁷ A va tintsongahati. Hi lava va nga khomelela. Langutani, loko Davida a tava a byeriwile hi vudyoho lebyi a byi endleke, u hundzuke hi xihatla, nakona Xikwembu xi n’wi rhandzele sweswo. Loko u va byela hi vudyoho bya vona, va ta ku, “A ndzi nge he pfuki ndzi vhakile nakambe.” Hikokwalaho ka yini? Va na tindhawu to tala leti va nga yaka eka toni, va nga ha ya eka mabaku ya swihunguki laha va nga ta yima na sweswo. Kambe lowu i nkarhi lowu vachumayeri va faneleke ku havaxela mahavelo ya Xikwembu va chumayela Rito ku ngari ku hi xavelela, Evhangeli. Vanhu va fanele ku titsongahata.

⁹⁸ A ka hari na kutshembhana exikarhi ka Vakreste na swintsongo. Va lava kuvula leswaku, “Ndzi Mumethodist, ndzi Mubaptist, ndzi Mupertekosta,” sweswo a swi vuli [Makwerhu Branham a thokoza tintiho ta yena—Muhleri.] *swona* eka Xikwembu.

⁹⁹ “Ndzi vulavurile hi tindzimi, ndzi endlile masingita.” Hi veka ku tshembha ka hina hinkwako ehenhla ka sweswo, loko sweswo kuri swin’wana swa swirhalanganyi leswi va swi endlaka. Hakunene. Mpfula yi nela lavo lulama ni lava nga lulamangiki. Mpfula yi cheleta swirimwi kufana ni loko yi cheleta nhova, Roy. Mpfula leyi yi nga yin’we, Moya lowo Kwetsima lowu wu nga wun’we wu wela ehenhla ka vanhu hinkwavo. Sweswo a swi vuli leswaku... Ntumbulukuo wa vona wu fanele ku hambana, kusuka endzeni ku ya ehandle. Ku ngari ku humesela ehandle kumbe ku kombisa, kambe Moya wa le ndzeni wa Xikwembu lexi hanyaka hi wona lowu wu endlaka munhu xivumbiwa lexintshwa, sweswo swi tsongahata mbilu ya wanuna kumbe ya wansati emahlweni ka Xikwembu.

¹⁰⁰ Mi ri, “Muchumayeri, u lava ku ndzi byela leswaku u kanakane ka khume mbirhi ehenhleni ka mamiliyon na mune

wa mabiliyoni ya vanhu emisaveni?" Ndza kanakana leswaku ku ngava na khume mbirhi lava nga Vutliwaka. Ehleketa hi swona! Ndzi mi byela leswi Yesu a swivuleke lahawani eka Evhangeli. Ehleketa ha swona!

¹⁰¹ Xana swi na yini eka swona? Hikuva vubihi byi nghanile exikarhi ka vanhu, vana va swihunguki va sungule kutswariwa, sweswo swi va thyakisile. Wa vona, hi nga ha yima lahawani ku ringana tiawara, hi ri karhi hi vekela swilo leswi, kutani mi nga ha swi vona leswaku hi hanya eka vanhu lava onhakeke, va rhukaniweke, lava boleke ku ya fika emakun'wini ya rixaka hinkwaro ra vanhu. A swi hlamarisi loko va nga tivoni tisayini, a swi hlamarisi loko va nga yi twi Evhangeli, va ome tinhloko, hambi leswi va nga va vukhongeri va tlhela va tinyiketela.

¹⁰² Xana Yesu a nga swi vulanga a ku, "Moya wu vula wu tiyisile, emasikwini ya makumu vanhu va tava lava nga yingisiki, va tikukumuxi, lava rhandzaka ku tsaka ku ngari ku rhandza Xikwembu, valumbeti, lava nga tshembhekiki, lava nga tiviki musa, kutani lava vengaka lavanene, va ni nghohe ya vukhongeri"? Wa vona? Oho, u nga ha huwelela, hakunene. Mi nga ha vulavula hi tindzimi, hakunene. Ripfumelo ri ta hlongola madimona, hakunene. Kambe sweswo a hi leswi hi vulavulaka hi swona.

¹⁰³ Kutani mi nga ha ku eka mina, "Makwerhu Branham, xana hi wihi mfungho wa Mukreste xana? I va mani lava va nga ta ponisiwa? Ku nga va wena, Makwerhu Branham?" Ndzi veke ku tshembha sweswo eka Xikwembu. A ndzi swi tivi. Ndzi pfumela leswaku ndzi tano. Ndzi pimanyeta vutomi bya mina, hi masiku, na Rito. Loko byi nga hanyi hi Rito leri, swingaleswi ku na swin'wana swi nga hoxeka, ndzi ta fanela ku tlhelela endzhaku ndzi ya lulamisa.

¹⁰⁴ "Kunene," u nge, "Makwerhu Branham, loko vanhu va vulavula hi tindzimi, sweswo a swi vuli leswaku va ponisiwile xana?" Ee, nkulukumba! Ee, ndza tiyisisa! Ndzi twile vangoma na valoyi va vulavula hi tindzimi, tinxaka hinkwato ta hansa hansa. Ndzi vonile vanhu va vulavula hi tindzimi kambe vari karhi va hanya ni vavasati va vanhu. Ndzi vonile vanhu va vulavula hi tindzimi, niku tlulela ehenhla nale hansi kutani va huwelela tani hiloko yindlu yi tele hi ndzilo, kutani loko va huma va ya endla swa vukungundwani, na ku yiva, na ku hemba, na hinkwaswo. Xana u nga ti langutela njhani? Ee, nkulukumba.

¹⁰⁵ Mi nghena kereke, mi madiyakoni ekerekeni, va khongeri tani hilaha va nga tano. Hikokwalaho ka yini, u ehleketa leswaku va nga xava mafurha ya movha hi Sonto? Ee. Kambe hi Musumbhunuva va endla swilo leswi thyakeke niku bola niku yisa hansi. Va ku Xikwembu xi tshama etimbilwini, ku ngari ehandle, hi swin'wana leswi swi humaka etimbilwini.

¹⁰⁶ “Nyangwa wu khumile, na ndlela leyi yaka kona yi larile, kutani lava yi kumaka a hi vanyingi.” Tani hilaha a swi ri eminkarhini ya Nowa, nhungu wa vona ehenhleni ka mamiliyoni lawa; tani hilaha a swi ri eminkarhini ya Sodoma, va nharhu ehenhleni ka mamiliyoni; swi tava tano nile ku vuyeni ka N’wana wa munhu.

¹⁰⁷ Kutani ma byi vona vubihi lebyi hi nga eka byona. Ma yi vona mianakanyo hinkwayo, munhu, wa huma a ya ehandle lahaya nakona javulosi u endla vachumayeri va kahle va yima etiphulphitini niku pfumelela vanhu va ya emahlweni na yona.

¹⁰⁸ Siku rin’wana munhu u te, “A ndza ha ku lavi a phulphitini ya mina, u ta nhlanyisa vavasati va ka hina.” Ee, khale va ri hi ndlela yaley. Swi ta va vuyisa eka miehleketo ya kahle, va byeleswaku va tshika ku ambala swiambalo sweswo na swin’wana. Nakona, kunene, un’wana u fanele ku swi endla.

¹⁰⁹ Ndzi te eka nsati wa mina, “Xana ndzi nga va ndzi hlanya, mina na? Ndzi na rihuhi? Kumbe, ku humelela yini ha mina?” Swin’wana swi nga endzeni swi ngaka swi nga miyeli. Ndzi fanele ndzi Swi vula, a ndzi na mhaka niku un’wana u vula yini.

¹¹⁰ A ku, “U ta hahlula ministri wa wena.” Kunene, ministri wun’wana na wun’wana lowu wu nga na Evhangeli wu ta hahluka, wu ta fanelia ku hahluriwa.

Xikwembu xi hi nyikile vurhena ku yimela leswi nga Ntiyiso niku vula Ntiyiso ha xona! I xidyoho, i tingana!

¹¹¹ “Nyangwa wu khumile,” ku vule Yesu, “na ndlela leyi yaka kona yi larile.” Nakona n’wina lava mi ehleketa hi mamiliyoni, na n’wina Mamethodist, Mabaptist, Presbyterian, Mapentekosta mi ya eku nghenen, mi ta nyumisiwa hi siku ra kona. Yesu u teri, “Votala va ta ta va ta tshama eMfun’weni, va ku, ‘Ndzi na nfanelo ya kuva lahawani.’” A ku, “Kambe vana va le Mfun’weni va ta va hlongola. Ku tava na ku rila na ku kolola na ku getsela ka meno.” Swa antswa u endla makungu mixo lowu, Mukreste. Ku tava na khume ku andzisa hi mamiliyoni na tibiliyoni ta lava a va tivula Vakreste, na ku tiomisa emiehlekeweni ya vutomi bya vona, lava nga taka va nga yi voni nyangwa. Yesu u vule tano.

“I vangani lava va nga ta nghena xana?”

¹¹² A ndzi swi tivi leswaku i vangani lava fambaka. Xilo xin’we ntsena i ku, “Xikwembu, ndzi pfumeleri ndzi va un’wana wa vona!” Hi swona sweswo. Hi Xona Muavanyisi. “Ndzi pfumeleri leswaku ndzi va un’wana wa kona.”

¹¹³ Mi ri, “Makwerhu Branham, u nga vula njhani leswaku i Mukreste?”

¹¹⁴ A ndzi switivi. Kambe mi nge ndzi mi byela leswi Tsalwa ri vulaka swona. Hakunene wa ri pfumela Rona. Loko Moya

lowo Kwetsima wu rhumeriwile emisaveni, Xikwembu xi vulavurile hi Moya lowo Kwetsima. Xi rhumerile ntsumi xo rhanga—rhanga, ekusungulen. Kutani Xi ku, “Famba edorobeni nale xikarhi ka vanhu, u ya vekela mfungho emimombyeni ya vona, eka vona lava kololaka niku rila hikwalaho ka manyala, u lulamisa swilo leswi.”

¹¹⁵ Xana i ncini manyala? Wansati loyi a nga ta ambala nguvu leyি yi fanaka ni ya wanuna. Swi nyenyetsa Xikwembu. Xana u tshama u hlangana na xilo lexi xi nga manyala? Swi ku nyenyetsa njhani! U nge swi yimeli. Wansati loyi a ambalaka nguvu leyি yi fanaka ni ya wanuna, yaleyo i ndlela leyি Xikwembu xi ti twisaka xiswona; u nga ha yimbelela ekhwayereni, u nga ha khongela masiku hinkwawo, u huwelela masiku hinkwawo, kumbe u hanyela Xikwembu masiku hinkwawo, u onhekile eMahlweni ka Xikwembu. Sweswo hi leswi Tsalwa ri swivulaka. “Manyala!” Kutani hinkwavo lava khomeleleke eka sweswo va tava na xiave na sweswo.

¹¹⁶ Xikwembu xi hi nyikile tintswalo ku lwisana na sweswo. Loko u lava ku tiyimela wena hi wexe, yima lahaya u khome Rito ra Xikwembu evokweni ra wena. Ri ngaka ri nga hluleki.

¹¹⁷ Sweswi hi fikile eka siku, laha, ku nga na manyala ya vanhu. Kutani Tintsumi tiya emahlweni ti lemela nakambe. Ndzi kumeleni munhu un'we ntsena eJeffersonville, loko mi lava ku tiva loyi a nga ta swi endla, ndzi kumeleni munhu un'we edorobeni loyi a kololaka niku rila, a tshama a ri karhi a nyangatseka niku vilela, ni ku khongelela manyala lawa ma nga endlwa edorobeni. Xana u nga yimisa voko ra wena u ri veka eka munhu un'wana? Kutani u teka Tsalwa leri nge, “Nyangwa wu khumile, na ndlela leyি yaka kona yi larile, leyি yi yisaka eVuton'wini, lava yi kumaka a hi vanyingi.” Valavo hi vona ntsena lava va nga ta lemeriwa.

¹¹⁸ Oho, ndzi nga mi komba votala lava yaka ekerekeni. Ndzi nga mi komba votala lava yimbelelaka ekhwayereni. Ndzi nga mi komba votala lava dyondzisaka xikolo xa Sonto. Ndzi nga mi komba vo—vo tala lava rhangelaka tisosayiti letikulu. Ndzi nga mi komba votala lava huwelelaka, votala lava vulavulaka hi tindzimi, votala lava tirhaka ntirho wa Evhangeli.

¹¹⁹ Kambe ndzi kombeni un'we loyi endzeni ka mbilu ya yena a karhatekaka hi swidyoho swa misava! Ndzi kombeni muchumayeri loyi a nga yimaka a sola tidinominexini leti. Ndzi kombeni muchumayeri loyi a nga yimaka a vula swilo, a sola tidinominexini ta vona. Swa antswa a nga swi endl, hikuva a nga raheriwa ehandle, rero i thikithi ra swakudya swa yena.

¹²⁰ A swi hlamarisi loko Billy Graham a byele Jack Moore, a ku, xana a wu ti voni tinhlengeletano ta mina leswaku i tingani leti ti nga yima, a ku, “A hi Mubaptist, kumbe a va Mumethodist

kumbe Mupentekostal.” A ku, “Kutani hinkwavo ka vona va lwisana na yena.” Hakunene, a ndzi vuli swona sweswo... Xivangelo xa kuva ndzi swivula, a ndzi nge swi vuli ehandle evanhwini. Ndzi swivula eka kereke leyi yi nga ya mina. Ndzi le ku tikeriweni, hikuva awara ya miringo yi le ka mina.

¹²¹ Va ri, “Loko u nga ta, swi tava swi lulamile, kambe u nga vuli nchumu ha Sweswo.” Ntsena u nga ha tihlayisela ku hefemula ka wena.

¹²² Ndzi ta chumayela leswi Xikwembu xi nge ndzi swi chumayela! Sweswo hi swona. Un’wana wa lava nhungu u tava a ri kun’wana. Un’wana wa vona u tava kun’wana. Kambe hi siku lero a ndzi lavi ku va na nandzu wa ku vula leswaku ndza xavelela hikwalaho ka mikhuva yin’wana kumbe dyondzo ya kereke, kumbe dinominexini yin’wana. Ndzi chumayerile Ntiyiso!

¹²³ Va ri, “Hikokwalaho ka yini n’wina mi nga endli, hikokwalaho ka yini ministri wa n’wina wu nga swi endli, Makwerhu Branham, sweswo swi tikomba swi ri kahle, hikokwalaho ka yini u nga swi kukuleli ehandle tani hi vavanuna lava va swi endlaka?”

¹²⁴ Sweswo swi kahle swi ri kwalahaya. Sweswo hi swona. Ndzi ya edorobeni, u ehleketa leswaku Maassemblies of God va nga tirhisana na mina xana? Ku ngari eka leswi ndzi pfumelaka eka swona, a va nge swikoti. U nga ha kuma un’we hi xinkadyana. U ehleketa leswaku Mamethodist va nga swi endla? Ringeta, kutani u kumisisa. Va na mininjhhere wa mina ku ringana vhiki. Loko u nghena endzeni, u ta nghena hi Vito ra Yesu. Sweswo hi swona.

¹²⁵ Oho, hakunene, va ku kuma kwalahaya, hakunene, u kumeka kun’wana lahaya endhawini, swingaleswi u ngaka u nga ti hlanganisi na vona hi tindlela tin’wana tani hi sweswo. Kutani loko u famba, u ku, “Oho, sweswi, Makwerhu Branham u muxaka wun’wana wa kuhuma ebyongweni swintsongo, ma swi tiva. U...”

¹²⁶ Loko ndzi humile ebyongweni, swi ri Bibele yi humile eka ku Dyondzisa. Sweswo hi leswi Bibele yi nga swi vula! Ina, nkulukumba. Langutani!

¹²⁷ Yesu u te, “Hikokwalaho ka yini mi Ndzi vitana ‘Beelzebub’? Mi n’wi pfumerile Solomon, sayini ya yena ya kuvonisisa. Mi ri pfumerile siku ra yena. Nkosikazi wa le Dzongeni u tile kusuka emakun’wini ya swiphemu swa misava, ku ta vona nyiko yaleyo, nakona u yi pfumerile loko a yi vonile. Kutani mi tshamile mi yi langutisa masiku hinkwawo, kambe mi nga yi pfumeri.”

¹²⁸ Kutani na vamakwavo va xinuna Lava va nga va Yena a va pfumelanga eka Yena. Va ku, “Famba enkhubyeni,” A

ku, "kambe a Ndzi yi sweswi." U fambile hi ndlela yin'wana, hikuva vamakwerhu va Yena N'winyi a va N'wi pfumelanga. Hi swona sweswo. "Nyangwa wu khumile, na ndlela leyi yaka kona yi larile, kutani lava Yi kumaka a hi vanyingi."

¹²⁹ Loko swi ta eka vadyondzisiwa, eka ku kombisa, xana a vari kwih? Wansati na wanuna a va yimile etlhelo ka xihambano na Yena, Yohana na Maria. Lavan'wana hinkwavo a va nyamalarile.

¹³⁰ Luku i ku kombisa. Lowu i nkarhi. Laha hi kona laha Xikwembu xi endlaka swilo. Luku hi kona laha Mesiya a nga emisaveni. Luku hi kona laha Matimba ya Xikwembu ma famba-fambahka eka vanhu va Xona. Nakona va va vitana "vakwetsimi lava vumbulukaka, vo hlanya, va rihuuhu," oho, swo fana na sweswo. Kambe awara yi fikile!

¹³¹ Hakunene ku tava na ku nyumisiwa loku kulu ngopfu hi ku avanyisa.

¹³² Oho, muvandzekeri wa byalwa, wa ku tiva laha anga tava a ri kona hi ku avanyisa. Switano nale ka munwi wa byalwa u tiva laha a nga tava a ri kona. Switano nale ka nghwavavani yi tiva laha yi nga tava yi yime kona. Switano nale ka mubindzurisi u tiva laha a nga tava a yime kona. Switano nale ka xilovekelo u tiva laha a nga tava a yime kona. A ngaka a nga nyumisiwi.

¹³³ Kambe laha ku nga tava na ku nyuma, hi lava va ehleketa ka leswaku va lulamile. Hilaha ku nga tava niku nyumisiwa kona. "Loko va fika ehenhla lahaya, va ku, 'Hakunene, hi hlongorile madimona hi Vito ra Wena. Hi va chumayeri. Hi nghena eka tikereke to ngere-ngere. Hi endlile mahlori lamakulu. Oho, hi chumayerile! Hikokwalaho ka yini, A ndzi ri—a ndzi ri mulanguteri wa kereke. A ndzi ri bishopo. A ndzi ri *leswi*.' Sukani eka Mina, n'wina vatirhi va leswo biha, a Ndzi mi tivanga." Kwalaho mi nga kona. Sweswo i ku nyumisiwa. A ku, "Vatukulu va vona va ta ta va fika va tshama ehansi eMfun'weni, va ku, 'Hi na mfanelo ya kuva lahawani,' kutani va ta hlongoleriwela ehandle emunyameni, laha ku nga tava naku rila naku kolola naku getsela ka meno." "Nyangwa wu khumile, na ndlela leyi yaka kona yi larile, leyi yi yisaka eVuton'wini, kutani lava va yi kumaka a hi vanyingi."

¹³⁴ Eka n'wina, vanhu va mina lava rhandzekaka, mixo lowu, yingisani leswi. A ndzi kalanga ndzi swi endla leswi. Ndzi na vutihlamuleri bya ku Ri vula. Sweswo hi swona ndzi nga na vutihlamuleri eka hinkwaswo ka swona. Loko ndzi nga ha chumayeli nchumayelo wun'wana evuton'wini bya mina, walowo hi wona Ntiyiso: ku tava na vanhu va ntsongo lava va nga ta ponisiwa. Ntsena tsundzukani sweswo: ntsena vantsongo. U tava un'wana wa vona.

¹³⁵ "I va mani vona, Makwerhu Branham?" A ndzi tivi. Kuhava loyi a swi tivaka. Hi tirha ku ponisiwa ka hina vinyi hi ku chava niku rhurhumela.

¹³⁶ Kambe n'wina folani na Xikwembu. Loko mbilu ya n'wina yi nga bi kun'we na Bibebe yaleyo, kwalaho ku na swin'wana swi nga hoxeka, ku na swin'wana swi nga hoxeka. A swi na mhaka leswaku kereke ya n'wina yi ri yini, a wu nge ngheni hi swona sweswo. U fanele u nghena kuya hi leswi Xikwembu xi swi vuleke. Leyi i Buku leyi mi nga ta avanyisiwa swi suka kona, yi nga Bibebe. Tshamani na Yona!

¹³⁷ "Oho," mi ri, "kunene, ndzi khuvuriwile hi Vito ra Hosi Yesu." Sweswo hi swona, yaleyo i Bibebe. Kambe loko vutomi byebyo byi nga yi landzeli, a swi ku pfunanga nchumu ku khuvuriwa.

¹³⁸ Mi ri, "Kunene, ndzi amukerile Moya lowo Kwetsima." Sweswo swi kahle, sweswo hi leswi a wu fanele u swi endlile. Kambe loko vutomi byi ngari kona kwalaho!

¹³⁹ Tsundzukani, nhova na yona yi kuma matimba yo fana ni lawa ya welaka koroni leswaku yi kula, ma endla nhova leswaku yi huwelela, na yona. Nhova leyintsongo ya khale yi yimela ehenhla kutani yi tsaka kufana na koroni leswi yi nga xiswona. Sweswo hi swona, yi hanya hi vutomi byi n'we. Kutani na mudyohi a nga tshama eVukoneni bya Xikwembu, a huwelela ku kwetsima, kutani a hanya tani hi Mukreste. Kambe loko ku ngari na swin'wana swo hambana embilwini! A tava na Matimba man'we ku hlongola mimoya leyo biha. Yesu u vule tano. A nga ha chumayela Evhangeli kahle tani hi leswi muchumayeri un'wana a nga swi endlaka. Sweswo hi leswi hakunene, Yesu a swi vuleke. Bibebe ya swi dyondzisa. Ina, nkulukumba. "Hambi ndzi nga vulavula tindzimi ta vanhu kumbe ta tintsumi, hambi ndzi nga nyikela miri wa mina leswaku wu hisiwa tani hi gandzelo, ndzi nyikela nhundzu ya mina hinkwayo eka swisiwana, ndzi–ndzi ri na ripfumelo ro susa tintshava, ndzi endla swilo hinkwaswo, ndzi chumayela hi Vito ra Yena, ndzi hlongola madimona hi Vito ra Yena," a ku, "A ndzi nchumu." Swingaleswi, a nga swi endla, nakona swi ngari "nchumu." Ma swi kuma xana?

¹⁴⁰ Sweswi, leswi u nga swi endlaka hi leswaku, kusuka embilwini ya wena, vana Mukreste, sweswi nghena hi nyangwa lowo khuma. Leswaku, budula i ndlela leyi yi yisaka ekuloveni, kutani mamiliyon i ku andzisa hi mamiliyon eka rixaka leri ra va pfumeri ri ta famba kwalaho. Hikuva, nyangwa wu khumile, na ndlela leyi yi yaka kona yi larile, ntsena kova wena na Kreste mi ri n'wexe.

¹⁴¹ "Ndlela leyi yi yisaka eVuton'wini yi larile, kutani lava yi kumaka a hi vanyingi." Sweswi, rero i Rito ra Hosi ya hina. Wa mina! Xana Yena a endla yini? Loko a ta yima kwallahaya, a hlaya mianakanyo ya vona.

¹⁴² Hiloko a ku, “Hi Yena Beelzebub. Kunene, xana Yena a ngava Xikwembu njhani? I Munhu! Xana vutlharhi lebyi byi huma kwihi?” va swi vule eka doroba Leri ri nga ra Yena.

¹⁴³ Loko u famba edorobeni lahawani, swi tikomba tani... A ndzi vuli leswi hi ku mi khomisa tingana n’wina vanhu; mi va Kreste, ma ndzi rhandza. U famba edorobeni lahawani, nakona switikomba tani hiloko matimba ya Sathana ya nga ku wisela ehansi. Ndzhawu leyi yi onhakile. Doroba leri ri onhakile.

¹⁴⁴ Xana Billy Graham u te yini loko a nghena eLouisville? U teri leyi hi yona ndzhawu leyi nga na “matimba hinkwawo ya madimona” a nga se tshama a yi vona evuton’wini bya yena. U swi nghenisile nale phepheni, a ku, “Ntsena u nga twa tshikelelo wa javulosi.”

¹⁴⁵ Xivangelo, ndzi nga swi twa. Hikokwalaho ka yini? Leri i kaya leri ri nga ra mina. Loko Yesu a tlhelela eKaya Leri nga ra Yena, U teri mintirho yo tala ya matimba A ngaka a nga yi endli, hikokwalaho ka ku ka vanga pfumeri. A ku, “Muprofeta a nga dzuniwi, muchumayeri, ngopfu loko a ri etikweni ra ka—ra ka vona, exikarhi ka vanhu va ka vona.” Wa vona? U nge ri pfuni, Matsalwa ya vula tano. Wa vona?

¹⁴⁶ Sweswi, loko u famba edorobeni lahawani! Kutani u nga ndzi byeli leswaku a ndzi nge swi tivi. Ndzi famba eka vanhu lava tlhavulaka voko ra mina kutani vaku, “Oho, Makwerhu Branham, ndza ku rhandza.” Kutani wa switiva leswaku sweswo i mavunwa! Wa switiva leswaku i vunwa. Loko Xikwembu xi nga ndzi byela ku hlaya timbilu, hikokwalaho ka yini Xi nga ndzi byeli sweswo?

¹⁴⁷ Hakunene, nale xikarhini ka vanhu va ka n’wina ku jika hi doroba! Loko va ku vona, va ri, “Kunene, ma swi tiva, ndzi vone laha swi ngere-ngere...”

“Kwihi? A swi ri kwihi?”

“Ehenhla ka...”

“Haa! Ha n’wi tiva munhu yaloye!”

¹⁴⁸ Ma swi twa. Mi nge ndzi mi byela, mi pfumelela munhu loyi a nga mi rhandziki ngopfu a ta endlwini ya n’wina, a fika a tshama nyana swintsongo kutani a twa vutitwi nyana byebyo byo nyangatsa nyana. Swi andziseni sweswo hi khume mune wa magidi sweswi, kutani ma swi kuma leswi ndzi vulavulaka hi swona. Kutani mi kumeka endzhawini leyi un’wana na un’wana a nga mi rhandzaka, vutitwi byebyo byo amukela, ntsena, oho, wa mina, kutani mi nga ha tshama kwalahaya hilaha ku nga heriki, wa vona. Sweswo hi swona, wa vona, i moyo. Kutani vanhu a va switivi leswaku i ncini, va hlamala leswaku hikokwalaho ka yini vanhu va nyamile.

¹⁴⁹ Xana i ncini lexi xi endlaka vavasati va kahle, xana i ncini lexi endlaka vavasati va kahle va ambala timpahla to

nyenyetsa va famba hi tona? Xana i ncini lexi endlaka, hambi kuri sweswi loko ka ha titimela, swinhwenyetana swa malembe ya khume ntsevu, xi ambarile mpahla leyi a swi nga fanelanga ku ambala emahlweni ka mhana swona, nale handle exitarateni? Swi hikokwalaho ka, a hi n'wana loyi (n'wana yaloye a nga tivi ku antswa), kambe hikuva muchumayeri un'wana ephulphitini wa tsandzeka ku endla ntirho wa xiyimo xa vona. Sweswo i ntiyiso. Hakunene. Vavasati va nghena exitarateni, na maambalelo ya vugangu na swilo swo fana na sweswo, kutani vadyohi va va langutisa kutani va nga tivi leswaku u na nandzu tani hiloko a hanyile na wanuna yaloye. Yesu u vule tano! Yesu u teri, "Loyi a langutisaka wansati hi ku n'wi navela, u n'wi oswile embilwini ya yena, kutani u ta fanela ku tihlamulela hi siku ra ku avanyisa." Nyangwa wu khumile, na ndlela leyi yi yaka kona yi larile!

¹⁵⁰ Ndza switiva leswaku mi ehleketa leswaku ndzi munhu la nonohwaka. A ndzi nonowhi! Ndzi makwenu wa n'wina, nakona ndza mi rhandza.

¹⁵¹ Balekelani vukarhi lebyi byi taka! Famba exihambanweni u ya rila kufikela laha mbilu ya wena yi talaka hi Moya wa Yena, sweswo swi ta ku tlherisa eka hinkwaswo swa misava, kutani u famba hi vukwembu emahlweni ka Yena, na mbilu ya wena leyi yi hisekelaka Yena. Rirhandzu! Ku ngari nfanelo. Kreste a kova nfanelo, ku tirhela Kreste, i rirhandzu leri tirhelaka Kreste. Ra ku tshikelela, ra ku sindzisa, ku fika laha swingingi hinkwaswo swa vutomi bya wena swi vaka na Yena. Kwalaho hiloko u vona vudyoho.

¹⁵² Kutani U ririle emisaveni. Swi khomisile Xikwembu tingana hi masiku ya Nowa, loko Xi vona timbilu. Na loko Yesu a ta tshama ehenhla ka ntshava, a ku, "Yerusalem, Yerusalem, xana a Ndzi fanele ndzi ku funegetile, kambe awara ya wena yi fikile kutani yindlu ya wena yi sele enhlomulwени."

¹⁵³ Swingaleswi swi tava tano nale ku Vuyeni ka N'wana wa Xikwembu, timbilu ta vapfumeri va ntiyiso ti tshovekile. Wa swivona leswaku ku fanele kuva na mpfxelelo wo kukula tiko leri. Swi nga endlekisa ku yini hi ntlawwa wa swihunguki xana? Xana swi nga va njhani, loko va onhakile ekusungulen?

¹⁵⁴ Mfumo wa Xikwembu wu fana na munhu loyi a hoxeleke ritavala elwandle, kutani, loko a ri humesa, ri va ri ri na swibodze, timfuntsu, tinyoka, swidula, na tinhlampfi nyana. A hi yena la fanelaka ku swi hlawula leswi, ntsena u swi cukumetela eribuweni. Sweswo hi leswi Evhangeli yi swi endlaka. Sweswo hi leswi Billy Graham, Oral Roberts, mina, na van'wana vachumayeri va Evhangeli, hi ri cukumetela ehandle, hi ri koka hi ri tlherisela endzeni, "Kwalahaya va nga kona, Hosi." Kambe i ncini hi xi endlaka nkarhi

hinkwawo? Hi kuma leswaku, u nga se tlhelela endzhaku nakambe, va tlhelela exidziveni nakambe. Xana i ncini? Ku sungula hi swona, a kuri xibodze. Sweswo a swi kali swi n'wi ncinka, kuva a kumeka a phasiwile eka ritavala ra Evhangeli. A ri xibodze ku sungula ha swona. A ri mfuntsu ku sungula ha swona. Ari nyoka ku sungula ha swona. A ri mutikukumuxi a nga si ta ekerekeni. A nga na ku tsakela hambi ku navela ku tshika ku nwa naku gembula, naku dzhaha naku hemba, naku yiva. Ntsena u nghenile hikuva a chava tihelle. Mi ti endla ngopfu valanguteri va swona n'wina vinyi, loko mi swi endla sweswo. Walowo i ntiyiso. "Nyangwa wu khumile, na ndlela leyi yaka kona yi larile, kutani lava yi kumaka a hi vanyingi."

A hi khongeleni.

¹⁵⁵ Hosi, oho, ndzi kambe, Hosi. Ringeta nandzu wa mina sweswi, Hosi. U nga ndzi tshiki ndzi ta eku avanyisiweni emahlweni ka Wena, endzhaku ka ku chumayela hi ndlela leyi. Oho, loko ku ngava ni xilo lexi nga basangiki eka mina, Hosi, xi suse, ndza kombela! Ha ri vona siku leri hi hanyakaka eka rona, loko vavanuna na vavasati va va lavo nonohwa. Va khomisa tingana. U vurile nkarhi wun'wana leswaku, "A ku na tingana eka vanhwana va Sion." Vumunhu bya vona byi tekiwile kufikela laha va nga ha riki na tingana na kan'we. O Hosi, ehleketa ha swona! Kutani wa switiva leswaku nkarhi nyana lowu nga halahaya wule ku fambeni, ntsena minete kumbe timbirhi, kutani ku onhaka lokukulu ku tata, loyi a thyakeke a yi emahlweni nikuyaka.

¹⁵⁶ Xikwembu, hi pfuxe hinkwerhu ka hina mixo lowu. Hi ninginise, Hosi! Ha ti vona ti sayini ta humeleta. Hi na mahlo ya hina lawa ya pfulekeke ku tiva sweswo. Hi vona mamiliyon, mamiliyon, Hosi, lava va nga fularhalela minhlana ya vona va famba. Ndza hlamala, xana ndzi nga endla yini, xana ndzi nga endla yini, Oho Hosi? Xana swi kona swin'wana, Hosi? Loko swi teka nchumayelo wo tala, xikhongelo xo tala, na swin'wana swo tala, ndzi pfune, Hosi, leswaku ndzi nga ha tisa Hungu eka vanhu. Xana ndzi nga endla yini? Kambe va ya emahlweni va Ri tekela ehansi. U endla mahlori ya Wena lamakulu na masingita ya Wena, kambe ntsena vanhu va kala va ya emahlweni. Hi leswaku Matsalwa ya Wena ma fanele ku hetiseka, i nkarhi lowu "Ku nga riki na munhu na un'we la nga taka eka Mina handle ka loko Tatana wa Mina a n'wi tshuneta, na hinkwaswo leswi Tatana a nga Ndzi nyika swona swi tata eka Mina"? Hosi Xikwembu, nyika mixo lowu leswaku vanhu va pfuka kutani va vona xikombiso xo hetelela xa misava leyi. Ndza khongela, Xikwembu, leswaku U ta nyika swin'wana eka vanhu.

¹⁵⁷ Katekisa vanhu lava lavantsongo mixo lowu. Xikwembu, sungula hi Makwerhu Neville, Hosi. Hanyisa miri wa yena.

Wa vabya mixo lowu, Hosi, u karhatiwa hile ndzeni. Ndza khongela leswaku voko ra Wena ro hanyisa ri tava ehenhla ka yena. Pfuxa moyo wa yena.

¹⁵⁸ Xikwembu, famba exikarhi ka nhlengleletano ley. Kuna vavanuna na vavasati lava tshameke lahwani lava ndzi nga taka ndzi nga ha va voni ku fikela siku ra kuavanyisa, swingaleswi ndzi ta fanele ku nyika xikweleti. Kambe ndzi hlaye Rito ra Wena ra leswaku, "Nyangwa wu khumile, na ndlela ley i yaka kona yi larile, kutani lava yi kumaka a hi vanyingi." O Hosi, endla leswaku lava va va valava lava "ntsongo," va van'wana va vona, U ta swiendla, Hosi? Swi nyike eka munhu un'wana na un'wana loyi a nga lahwani.

¹⁵⁹ Ndza khongela tani hiloko munhu a fanele ku khongela. Hosi, vanhu lava va nga ndzi endlela xin'wana na xin'wana, loko swi ya hiku ndzi pfuna. Loko ndzi ri na ndlala, va ndzi phamela. Loko ndzi lave suti, va nga yi xava. Va nga famba na mina va ya ndzi xavela movha, leswaku ndzi chumayela Evhangeli. Va endla xin'wana na xin'wana hi ndlela ya leyo. O Tatana, kambela mimoya ya vona mixo lowu, ndza kombela swi endlili, kutani endla leswaku va wu kambela emahlwени ka Wena. A ndzi swi tivi, ndza tshembha leswaku un'wana na un'wana wa vona u le ka Vahlawuriwa va lavo. Na mina ndzi veki kwalahaya, na mina, Hosi. Kutani loko kuri na xivangelo xin'wana eka mina lexi nga endlaka leswaku ndzi ngavi kona kwalaho, Hosi, ntsena U ndzi paluxela xona, ndzi ta swi lulamisa sweswi. Ndzi lava kuva na ntiyiso, Hosi, leswaku emixweni walowo ku ngavi na khombo enambyeni. Ndzi lava ku famba ndzi nghena kona hi siku lero. Nakona a ndzi switivi leswaku ri tava rini, ku nga hava namuntlha. Swingaleswi, ndzi pfune ku switiva, pfuna na vanhu lava leswaku va switiva.

¹⁶⁰ Kutani loko hi vona timbilu ta hina ti nga khumbhekanga! Oho, ha tiphina hi Hungu ra kahle leri hi ri yingisaka eka xiya na moyo, kumbe hi ya ekerekeni. Hi amukela Hungu ra kahle. A hi na tingana ku vulavula hi Yesu kun'wana na kun'wana. Kambe, Hosi, i xidyoho lexi xi nga ndzhwalo eka hina, nakona xi hi humesa mihioti ematihlweni ya hina, hi kolola nikurila kutani hi yima etlhelo ka xona, xin'wana na xin'wana, manyala lawa ya endlekeke edorobeni? Hosi, pfumelela Ntsumi ya Xikwembu yi vona sweswo ehenhleni ka hina, kutani yi hi fungha. Hi nyike swona, Hosi.

¹⁶¹ Hambi swi ri tano tana, Hosi Yesu, sweswi lulamisa timbilu ta hina, kutani hi nyike xikombiso xa Wena xa ntiyiso leswaku U le xikarhi ka hina, leswaku hi nga ha amukela—amukela xikombiso xo hetelela ku nga si herisiwa rixaka leri.

¹⁶² Kutani hi vona vuhunguki, laha wanuna a hanyaka etikweni a ri na vana na wansati wa wanuna un'wana, na—na

swinhwenyetana leswi ntsongo eswitarateni, na madzana-dzana ya lava va tshikaka swikolo lembe rin'wana na rin'wanana tindzumulo ti hundzuka va manana, kutani a ka hari na ku nhlonipha, ni hilaha vavasati valavo va vaka vuxungu ha kona, vona hi voxe, hi ku dzhaha na—na ku nwa, na tithelevhixini na hinkwaswo leswi onhaka miehleketo ya vana. O Hosi, xana swi tava kona ku fikela rini? Kutani Wena, Xikwembu xo Kwetsima!

¹⁶³ O Tatana, ndzi—ndzi ni vutitwi byo chavisa bya leswaku swin'wana swi boheka ku humelela hi xihatla, Hosi. A ndzi tivi leswi ndzi nga swi vulaka, kambe ndza khongela, Hosi, leswaku U ta vekela etimbilwini ta hina leswi hi faneleke ku swi endla. Hi nyike swilo leswi, Hosi. Ha swi kombela hinkwaswo hi Vito raYesu. Amen.

¹⁶⁴ Awara yile kusuhi. Munhu un'wana na un'wana loyi a hanyaka naku ehlaketa kahle, wa switiva leswaku swin'wana swi lunghiseriwela ku humelela. Ku hava munhu emuakwini lowu, loyi a nga na miehleketo ya kahle, kambe a switiva leswaku misava leyi a yi nge yimi ehansi ka swiyimo leswi.

A hi nge yimi, vanghana. Ku hava na xin'we, tani hi mufundhisi wa n'wina na makwenu wa n'wina, a ku na nchumu na wun'we lowu ndzi nga mi tsundzuxaka wona eka mixo lowu handle kale ka Yesu Kreste. A ku na nchumu lowu ndzi wu tivaka. Ntsena ehlaketani hi swilo leswi nga profetiwa leswi swi nga ta humelela ku nga se fika ku Tlhandlukisiwa, hinkwaswo leswi ndzi swi tivaka swi hetisekile.

¹⁶⁵ Mi ri, "Xana mfungho wa xivandzana wona ke?" Sweswo swi tata eka nkarhi wa Mahlomulo. Kereke yi tava yi fambile hi nkarhi walowo. A yi nge he funghiwi eka leswi, swi ta endleka yi fambile, wa vona. Mfungho wu ya emahlweni sweswi. Mfungho i xikombiso xo rhanga, xisana. Hahelani eka Xikwembu, hahela eka Xona hi xihatla!

¹⁶⁶ Ndza hlamala emixweni lowu, loko haha tshamile lahawani ntsena minete. Kutani ndzi titwisa leswi na n'wina mi titwisaka xiswona. Ndzi—ndzi nga ha twa vutitwi bya n'wina, un'wana na un'wana wa n'wina u ringeta ku ehlaketa, "O Xikwembu, ndzi kambisise!" Yaleylo hi yona ndlela leyi na mina ndzi ti twisaka xiswona, na mina. Ndzi anakanya leswaku Mahungu yo fana ni ya lawa, munghana, a ma dumanga exikarhini ka vanhu. Loko u va avanyisela nakona wa va ava-...u—u va yisa ehansi ntsena. Un'wana u fanele a endla sweswo. Ndzi navela o nge loko a kova un'wana. Kambe loko swi wele mina hi vunyingi ku swi endla, loko ndzi fanele hi kuva wansati wa mukoropi, ndzi pfumeleri ndzi koropa. Loko ndzi ri... Davida u teri, "Swi nga antswa ndzi va mentse wa le nyangweni wa Yindlu ya Xikwembu, kutlula ku tshama etendeni ra vudyoho" Sweswo hi swona. Xin'wana na xin'wana lexi Xikwembu xi lavaka leswaku mi xi endla, xi endleni. Mi nga khomiwi hi tingana. Loko ku ri na . . .

¹⁶⁷ Nakona, tsundzukani, ndza switiva leswaku walowo i nchumu lowukulu. A ku, “Makwerhu Branham, u vula leswaku i mimoya ya nhungu leyi yi nga ta ponisiwa?”

¹⁶⁸ A ndzi tivi leswaku i yingani leyi nga ta ponisiwa, a ndzi nge mi byeli. Kambe ndzi vula nchumu wun’we: leswaku va tava va ri vantsongo swinene, eka siku ro fana na leri. Ntsena ehleketa, eka siku leri A ri eka rona, i vangani lava va ponisiweke. Ehleketa hi siku ra Nowa, na siku ra Lot—Lot, na hinkwavo ka vona, U teri, “Swingaleswi swi tava tano nale ku vuyeni ka N’wana wa munhu, hikuva, nyangwa wu khumile, na ndlela leyi yi yaka kona yi larile.” Ma swi vona, u ti nghenisa hi wexe, na Yena, kutani swi va swi helerile. Wa vona? “Kambe lava yi kumaka a hi vanyingi.” I vangani lava pfumelaka leswaku yaleyo i Evhangeli ya Ntiyiso? Yesu Kreste u vule tano, “Kambe lava yi kumaka a hi vanyingi.” Ntsena va ntsongo swinene. Va na un’wana wa lavantsongo lava. Ndza switiva leswaku sweswo swa tika, swi lava matimba. Nakona swa ndzi tshikelela na mina ku swivula, ndza mi twela hi rirhandzu ra vumunhu, kambe rirhandzu ra Xikwembu ri ndzi tshikelela leswaku ndzi mi byela.

¹⁶⁹ Sweswi, Moya lowo Kwetsima wun’we lowu wu nga tirha emasikwini ya Abraham, wu tirhile emasikwini ya Kreste, wu tshembhisiwe ku va lahwani ku endla swo fana. U kona kwala. Sweswi, loko ndzi mi byele Ntiyiso, Xikwembu xa boheka eka Ntiyiso walowo.

¹⁷⁰ Loko ndzi nga hlayisi rito ra mina, a ndzi munhu wa rito ra mina. Loko mi nga hlayisi marito ya n’wina, a mi vanhu va marito ya n’wina. Sweswi, ndzi nga ha mi tshembhisa swin’wana kutani ndzi nga swi endli, kambe—kambe ndzi ta ta ndzi ta mi byela. Loko ndzi mi kolota swin’wana, kutani ndzi mi tumbetela, ndzi mutikukumuxi. Loko ndzi ta eka n’wina ndzi ku, “Ndza mi kolota, kambe ndzi nga mi hakeli, kambe ndzi endla swo antswa leswi ndzi nga swi kotaka,” swingaleswi ma ndzi rivalela mi tlhela mi ndzi pfuna. Wa vona?

¹⁷¹ Hinkwerhu ka hina hi kolota Xikwembu swin’wana. Hi Xi kolota vutomi bya hina. A hi tshembhekeni ha byona. Humani mi ya ehandle mi ya ku... Mi nga vuli mi ku, “Kunene, sweswi vonani, ndzi—ndzi Mupresbeterian. Ndzi Mumethodist. Ndzi Mupentekostal. Ndzi wa Church of God. Ndzi Munazarene. Ndzi Mupilgrim Holiness.” Mi nga ehleketa ha sweswo! Ku na mamiliyonu ya lava va nga etiheleni. Wena vana Mukreste, eka Kreste.

¹⁷² I vangani lava nga vulaka va ku, “Makwerhu Branham, ndzi tsundzuke exikhongelweni sweswi, ndzi lava leswaku u yima”? Xikwembu a xi ku katekisi.

¹⁷³ Hosi, Wa ma vona mavoko ya vona. Awara yi fikile, Moya lowo Kwetsima lowukulu wu haxile eka muako lowu mixo

lowu. Ndzi twa Vukona bya Wena. Ndzi swi lemukile leswaku U kona lahawani ku xixima Rito ra Wena, "Mina Hosi ndzi byarile, nakona Ndzi ta ri cheleta vusiku na nhlekani, leswaku van'wana va nga ri tsuvula evokweni ra Mina." U rhumerile Rito ra Wena ku endla xikongomelo, nakona Ri—Ri ta fanele ku endla tano, Hosi. Matsalwa ya vula tano leswaku hi Wena tolo, namunlhla, ni hilaha ku nga heriki.

¹⁷⁴ Va ngaka va nga pfumeli, vanhu va vona emasikwini ya Wena a va pfumelanga leswaku Moya lowo Kwetsima a wuri endzeni ka Wena. Nakona U tiendle Xikwembu Wena n'winyi (u ri Munhu), laha, A wu tswariwile hi wanhwana la nga tiviki wanuna N'wana wa Xikwembu loyi a teke emisaveni ku ta hi kutsula evudyohweni bya hina. Kutani hikuva va vonile Moya wa Xikwembu eka Wena, va ringetile ku swi endla swi hambana. Nakona U va byerile, Hosi, "Leswaku a hi Mina la endlaka mintirho, i Tatana wa Mina loyi a tshamaka ka Mina. A endleka mintirho. Loko mi vitanile Abraham 'tatana' wa n'wina. Abraham u vonile siku ra Mina." Hakunene, u ri vonile, loko a yimile etlhelo ka Yena, u N'wi vonile a endla mintirho yaleyo na mahlori. "U vonile siku ra Mina kutani a tsaka." A ku, "Xihoxo xa n'wina, hi leswaku a mi tivi Matsalwa hambi Matimba ya Xikwembu, xi nga swi endlisa ku yini Xikwembu ku kombisa wanhwana, niku tswala N'wana (a tswariwa hi wanhwana) kutani a tshama yena hi Yexe eku hetisekeni ka Matimba ya Yena, eka Munhu yaloye a ri un'we."

¹⁷⁵ Nakona A nga yi tekisa ku yini Ngati yaleyo yi fanaka eka Miri walowo A wu nyikeke tani hi Gandzelo, kutani a kwetsimisa vanhu lava Yena a nga tshamaka endzeni ka vona, ku yisa emahlweni ntirho wa Yena kufika emakumu ka ku onhaka! O Xikwembu, pfuxa vanhu leswaku va swi vona sweswo. Hi nyike swona. Ponisa un'wana na un'wana loyi a yimiseka voko. Basisa timbilu ta vona. Hosi, mavoko ya mina ma yimile. Ndzi basise, O Hosi. Leyi i yindlu ya ku lulamissa. Leyi hi yona ndhawu laha hi faneleke ku hlantswiwa kona. Pfumelela Moya lowo Kwetsima wu hi hlantswa mixo lowu, niku hi basisa eka vubihi.

¹⁷⁶ Ha khongela, Hosi, leswaku ku ngavi na munhu loyi a nga ta famba tsena a nga tatiwanga hi Moya wa Wena. Kumbe a ku nga havi na ku titwa kun'wana ehandle loko swi endleka. Kambe, Hosi, famba endzeni, koka xikhamba kutani u hi komba leswi hi nga xiswona, Hosi. Hi nyike swona. Kutani u hi tata hi Moya wa Wena, hi mbilu ya ntiyiso niku teng. Kutani eka nkarhi lowu wa nxaniseko na miringo leyo tika, U ta kula kahle na hi rirhandzu eka hina tani hiloko hi famba swin'we, hi languterile siku lero. Loko mihioti ya ha xiririka emarhameni ya hina, hikwalaho ka swidyoho swa doroba, i ngi Moya lowo Kwetsima wu nga languta ehansi kutani wu ku, "Ku na un'we loyi Ndzi nga ta n'wi fungha, i wanuna wa

Mina, i wansati wa Mina.” Hi nyike swona, Hosi. I ngi swi nga kumeka exikarhi ka hina namunthla. Ha swikombela hi Vito ra Yesu. Amen.

Loko ndzi fika enambyeni emakun’wini ya siku,
 Na mimoya yo hetelela ya mahlomulo yi hungile;
 Kutava na Un’wana a yimeke loyi a nga ta ndzi komba ndlela,
 A ndzi nge peli Jordan ndzi ri ndzexe.
 A ndzi nge peli Jordan ndzi ri ndzexe,
 Yesu u fele swidyocho hinkwaswo swa mina leswaku a swi hlantswa;
 Loko ndzi vona munyama, U tava a ndzi rindzerile,
 A ndzi nge peli Jordan ndzi ri ndzexe.

¹⁷⁷ Ndzi lava ku N’wi tiva sweswi. Teka voko ra mina, Hosi yo saseka, ndzi rhangele, ndzi yimise. Ndzi yimise lahwani, Hosi, ku lwsana na hinkwaswo leswi vitaniwaka swo hoxeka, swin’wana na swin’wana leswi langutekaka swi hoxekile. A ndzi na mhaka na ku un’wana u ri yini, ndzi yimise, Hosi. Loko ndzi endlile hinkwaswo leswi ndzi nga swi kotaka, ndzi pfuni ku ndzi yimisa. Teka voko ra mina kutani u ndzi koka eka swona, Hosi. Endla swin’wana, ndzi yimise. Loko swilo swa vona swi ta, kutani rifuwo ra misava leyi ni hinkwaswo swa le henbla naku kwetsima; ndzi pfale mahlo eka swona, ndzi endlili ndzi vona ntsena Yena La ndzi feleke. Loko swi lava munghana loyi ndzi nga na yena, loko swi lava hinkwaswo leswi ndzi nga na swona; sweswo a swi vuli nchumu, ndzi nyikela hinkwaswo eka altari. Sweswo hi swona, ndzi pfumeleri ndzi yima hi ku tshembheka. Kutani un’wana loko a hefemula ku ba exikandzeni xa mina, kutani ndza switiva leswaku mbilu ya mina yi nyamalarile na masiku ya mina ma herile, na nkarhi wa mina wu herile na makhadi ma mina ma susiwa erhageni, a ndzi lavi ku pela Jordan ndzi ri ndzexe. U tava a ri kona kwalahaya. Ina. Loko ndzi vona munyama, U tava a ndzi yimerile kwalahaya, a ndzi lavi ku pela Jordan ndzi ri ndzexe. Loko ndzi nga N’wi yimela sweswi, na Yena u ta ndzi yimela. Ndzi ta hanyele Yena La ndzi feleke, vutomi bya mina byi tava byi tsakise ku yini. Yaleyo hi yona ndlela leyi ndzi lavaka ku yima ha yona.

¹⁷⁸ Ndza tshembha leswaku ku na vanhu lava vabyaka lahwani. Xana u mi nyikile makhadi? Ndzi rivarile. Xana va phakile makhadi xana? Xana ku ngava ku ri na khadi leri nga humesiwa xana? Kuna lava va nga na makhadi ya xikhongelo xana? Ee.

¹⁷⁹ Ntsena ndzi yimele Moya lowo Kwetsima. Loko ntsena mi nga pfumela, ntsena vanani na ripfumelo, mi nga kanakani.

Loko Xikwembu xa ha ta ndzi paluxela ku karhateka ka n'wina...Hambi ku nga va yini, a ndzi swi tivi; loko u yimisa yoko ra wena, a wu ndzi tivi na mina a ndzi ku tivi. Swingaleswi loko Xikwembu xi ta swi paluxa lahawani, mi ta pfumela leswaku i Ntsumi yin'we ni leyi yi tiseke Hungu ku nga siva na ku onhaka endzhaku lahaya, ya ha ri Ntsumi yin'we ni leyi yi ri tisaka sweswi ku nga siva naku onhaka kun'wana. Mi ta swi pfumela sweswo xana? Loko mi ta swi pfumela, yimiselani mavoko ya n'wina ehenhla. Swilulamile. Swilulamile, i ngi Hosi yi nga hi nyika swona.

¹⁸⁰ U tshamile ekusuhi na mina. Ku na un'wana a nga tshama ekusuhi na mina, i Manana Snyder lahawani, kumbe Manana Murphy lahawani, laha vito ra yena ku nga rona, loyi a tshameke lahawani. Ndza va tiva.

¹⁸¹ A ndzi n'wi tivi wanuna loyi, i muluveri eka mina. Kambe Xikwembu xa n'wi tiva. Loko Xikwembu xi nga swi paluxa sweswi, i va ngani eka n'wina lava swi tivaka leswaku a swi tano...

¹⁸² U nga ndzi languti. Wa mina, ndzi wa le tintshaveni tale Kentucky, tani hilaha swi nga xiswona. A—a ndzi na dyondzo yo enela, swa tika, ku—ku tsala vito leri ri nga ra mina. Kambe ku na nchumu wun'we ndzi wu tivaka, hi leswaku ndza N'wi tiva. Nakona sweswo, sweswo—sweswo hi leswi ndzi nga na mhaka na ku switiva. Sweswi, u nga—u ngavi na mhaka na mbulavulo wa mina.

¹⁸³ Kutani mi nga ha ehleketa leswaku nchumayelo wa mina namuntla a wu humile endleleni na swin'wana, mi wu forisa na Bibebe nkarhi wun'wana mi vona loko hi nga ri eka xikongomelo xo fikelela xikongomiso xa ziro. U vona loko xikopi xa wena loko xi ngari kona loko—loko u swi veka lahaya. U nga swi forisi na mianakanyo leyi yi nga ya wena, kambe swi forisi na leswi A swi vuleke. "Nyangwa wu khumile, na ndlela leyi yaka kona yi larile, kutani lava yi kumaka a hi vanyingi; hikuva ndlela leyi yi yisaka ekuloveni i ya budula, ni nyangwa wa kona wu ahlamile, kutani lavo tala va ta nghena kona," mamiliyoni na mamiliyon ma ta nghena kwalahaya. Kumbexana un'we eka mamiliyon u tata hi ndlela. Kwalaho mi nga kona. Sweswo hi leswi A nga swi vula. Sweswi, A nga kalanga a nyika nhlayo yaleyo, kambe U teri, "Tani hilaha a swi ri emasikwini ya Nowa, mimoya ya nhungu. Tani hilaha a swi ri emasikwini ya Sodoma, vanharhu." Ehenhleni ka hinkwavo, vanharhu va ponisiwile, hi ndzilo. Swingaleswi swi tava tano!

¹⁸⁴ Sweswi, loko un'wana na un'wana a ri wa ximoya hi ntiyiso, ndzi lava leswaku mi languta eka wanuna loyi a nga tshama lahawani, u ndzi langutile a nga ndzi tlheleli. U yimisile yoko ra yena, a ndzi n'wi tivi; a ndzi se tshama

ndzi n'wi vona, nakona a ndzi tivi nchumu ha yena. Ntsena u tshamile lahaya a ndzi languta. Kambe, wa vona, wa tihlanganisa, u le ku khongeleni. Sweswi, sweswo swi lulamile. Sweswi, loko Hosi yi ta ndzi byela... Wanuna yaloye a nga tshama ekule na mina, kutani ley i tinhlengeletano ta hina to sungula, kutani hi luya a nga tshama lahaya. Loko Hosi yi ta ndzi paluxela leswi a—leswi a... A—a ndzi nge swikoti ku n'wi hanyisa. A ndzi hanyisi, a ndzi nge swi koti ku swiendla sweswo, hikuva khale Xikwembu xi swi endlile. Kambe swi ta engetela ripfumelo ra n'wina. Un'wana na un'wana wa swi vona sweswi, U kona kwalahawani, ntsena Moya lowu wu fanaka. Kutani tsundzukani, Yesu u swi tshembhisile leswi, ku nga se fika makumu. Minkarhi hinkwayo i sayini yo hetelela.

¹⁸⁵ Siku rin'wana, Leo na mina a hi tshamile exitarateni, kutani van'wana va hina a vari eku vulavuleni. Kutani a ndzi tshamela ro twa onge ku na ku ncinka ku taka, ku ncinka ku taka. Loko hi vulavula hi swona, a ku ngevi na ku ncinka eka ministri wa mina, hikuva a wu nge hevi kona, kambe kutava na ku ncinka eka mina. Minkarhi hinkwayo a ndzi tshamela ro tsana kutani ndzi tshika vanhu va ndzi rhangela na ku ndzi letela, ni ku rhumela hi ndlela *leyi* na hi ndlela ya *liya*. Loko a ndzi endlile swin'wana leswi Hosi yi nga ndzi byela leswaku ndzi swi endla nkarhi lowu hundzeke, a ndzi tava ndzi nga ri ekhombyeni leri ndzi nga eka rona namuntlha. Ndzi ya ehandle vhiki leri taka ku ya va ndzexe na Xikwembu. Ina, nkulukumba. Ndzi—ndzi fanele ku twa swale Tilweni. A ndzi lavi ku tsana, ndzi lava ku yima eka ku tiboha ka mina.

¹⁸⁶ Wanuna, a swi tshamela ro vuyela endzhaku eka yena, u tshamile endzhaku, hikuva wanuna yaloye u le ku pfumeleni, kahlekahle wa pfumela. Ndzi languta va yingiseri hinkwako, nakona xi wela endzhaku ku kongomana na wanuna loyi. U na xilaveko, u na ndhwalo, kambe u na ndhwalo wa un'wana. Sweswo hi swona. U le ku khongeleleni ka un'wana. U na un'wana embilwini ya wena. Sweswo hi swona, a hi swona xana? I munghana. Loko ndzi nga ku byela leswi swi humelalaka hi munghana yaloye, u ta ndzi pfumela leswaku ndzi nandza wa Xikwembu xana? I xihoko. Sweswo hi swona. Loko sweswo kuri swona, yimisa voko ra wena.

¹⁸⁷ Xana wa pfumela? Van'wana lava a va yimise mavoko lahawani, wansati loyi a nga endzhaku lahawani, un'wana. Ina. Aha. A wu ndzi tivi a hi swona? Ndzi muluveri eka n'wina hinkwerhu? A ndzi mi tivi, kambe Xikwembu xa mi tiva. Ma swi pfumela sweswo xana? Loko Xikwembu xi nga ndzi paluxela leswi nga timbilwini ta n'wina, xana mi ta ndzi pfumela tani hi nandza wa Xona xana? Ntombi ley i ntsongo, leswi swi ku karhataka i n'wana la nga lahaya. Sweswo hi swona. Nakona n'wana yaloye u karhata hi vuvabyi bya nhlonge exikandzeni xa yena. Dokodela a nge endli nchumu

ha swona. U muluveri lahawani, kutani wena na murhandziwa wa wena la nga tshama lahaya. Xana ma pfumela leswaku Xikwembu xi nga ndzi byela leswaku hi n'wina vamani ni laha mi humaka kona? Ma swi pfumela xana? U nga amukela ku hanyisiwa ka n'wana loko A nga n'wi hanyisa? [Ntombhi yi ku, "Ina."—Muhleri.] Swi lulamile, u nga ha tlhelela eSomerset, Kentucky, laha u humaka kona. Kutani u pfumela leswaku u ta hanya, vuvabyi lebya nhlonge byi ta suka eka n'wana loko u pfumela.

¹⁸⁸ Loko ndzi vula rito lero, un'wana loyi a nga yima lahaya endzhaku eholweni, kusuka eSomerset, Kentucky, u le ku khongeleni, u karhatiwa hi mbilu. Ma pfumela leswaku Xikwembu xi tava hanyisa xana? Loko u pfumela hi mbilu ya wena hinkwayo, kutani pfumela leswaku Xikwembu xi ta n'wi hanyisa u tava kahle.

¹⁸⁹ Lahawani, hi leri, ndza pfumela leswaku i voko ra un'wana ri nga yima kun'wana lahawani, ku n'wana lahawani, i ntombhi. Aha, ndzi vonile voko ra wena. Ndzi muluveri eka wena, ntombhi? A ndzi ku tivi. A hi se tshama hi hlangana. Xana wa ndzi pfumela leswaku ndzi nandza wa Yena. [Ntombhi yi ku, "Ina."—Muhleri.] Wa pfumela? U na ndhwalo embilwini ya wena, kumbe swin'wana. Wa pfumela leswaku loko Xikwembu xi nga ndzi paluxela swona, u ta pfumela leswaku Wa ha ri Moya wun'we ni lowu a wuri eka Kreste? Nuna wa wena u tshamile lahaya, u pfumela swo fana, na yena? Xana u nga pfumela nchumu wu n'we? Swi hi mayelana na xinhwenyetana xa wena lexi nga tshama ethelio ka wena kwalaho. Sweswo hi swona, xi na mfukuzani. Kambe wa pfumela leswaku Xikwembu xi nga n'wi hanyisa xana? Loko u pfumela, yimisa voko ra wena. Swi lulamile, tlhandleka voko ra wena ehenhla ka n'wana.

¹⁹⁰ Hosi Yesu, eVukoneni bya Moya wa Wena, ndzi avanyisela javulosi loyi adlayaka n'wana. Ndzi veka, hi ripfumelo, Ngati ya Yesu Kreste exikarhi ka mudlai na n'wana. N'wi tshike a hanya. Amen.

¹⁹¹ Va na na ripfumelo eka Xikwembu. U nga kanakani. "Loko mi nga pfumela, hinkwaswo swa koteka." Loko u nga pfumela, hinkwaswo swa koteka. Hiswona.

¹⁹² Van'wana endzhaku lahaya va yimisile mavoko ya vona, kun'wana, wena, ntombhi leyi nga emakumu. Wa ndzi pfumela tani hi nandza wa Xikwembu? A ndzi ku tivi, a wu ndzi tivi. Wa pfumela leswaku Xikwembu xi nga ndzi paluxela leswi swi ku karhataka? U ta amukela leswaku Yesu i Muhanyisi kumbe Muphameri, hambi ku ngava yini—ku ngava yini...? Wa swi pfumela naa? Swilulamile, swingaleswi ku rhurhumela loko u nga na kona, sweswo hi leswi u nga na swona. Loko sweswo kuri ntiyiso, yima hi milenge ya wena, loko sweswo

kuri swona, ntsena kuri vanhu va ta swi vona leswaku a kuri ntiyiso. Swi lulamile, swi ta suka eka wena sweswi. Wena famba ekaya kutani u tava kahle. Xikwembu a xi ku katekisi.

U huma eKentucky, na wena. Ahaa, sweswo hi swona.

¹⁹³ Ntombhi leyi yi tshameke ekusuhi na wena yi huma eKentucky, na yena. U tano, na yena. A ndzi ku tivi, ndza ku tiva? Kambe ndzi nga ku byela leswaku u na swin'wana leswi nga riki kahle. Loko ndzi nga ku byela leswi nga riki kahle hi wena, u nga amukela Kreste tani hi Muhanyisi wa wena? I nyonga ya wena. Loko sweswo swi ri ntuyiso, yimisa voko ra wena, ehenhla swinene leswaku vanhu va kota kuri vona. Swi lulamile, famba ekaya sweswi, swi ta suka eka wena. Ripfumelo ra wena ri ku hanyisile.

Ndza ku hlohlotelu leswaku u pfumela. Ndzi hlohlotelu ripfumelo ra wena leswaku u pfumela.

¹⁹⁴ Lahawani ku tshamile ntombhi lahawani, u le ku khongeleni, u tifunengete xikandza hi xidukwana xa yena. A ndzi ku tivi. Xikwembu xa ku tiva. U huma ejoliet, Illinois, nakona u na xipfimbo. Sweswo i ntuyiso wo helela. U nga ha hlamala... (Ina, yaloye—yaloye i wansati loyi a nga tisa hi Rosella. Hi swona sweswo. Yima, u ndzi byerile ha swona sweswo, kambe a nga swi tivanga leswaku wansati loyi a ndzi n'wi tivi. Sweswo hi swona. Ntsena swi kumeke leswaku ripfumelo ra wansati rikahle.) Ndzi ta ku byela xilo xin'we wa—wa wa swi tiva leswaku a ndzi ku tivi. U khongelela n'wana loyi a tshameke emakumu ka xitulu lahawani, loyi a vabyaka. Yaloye i n'wana wa wena. Sweswo hi swona. Amen. Wa switiva leswaku a ndzi nga swi tivi sweswo.

¹⁹⁵ Hi Lowu lahay, I Moya lowo Kwetsima! Xana wa pfumela eka Wona? Wa Wu amukela xana? Swingaleswi loko sweswo ku ri ntuyiso, leswi ndzi nga swi vula ha swona leswaku "nyangwa wu khumile, na ndlela leyi yi yaka kona yi larile" hi swona. Yesu Kreste, N'wana wa Xikwembu, u kona lahawani sweswi. Moya wa Xikwembu lexi hanyakwa wu kona lahawani sweswi. Xana wa pfumela eka Wona? Swingaleswi, ku endla leswaku u switiva leswaku a ndzi munhu wo hanyisa, a ndzi muhanyisi, kambe Moya wa Xikwembu wu lo ndzi hlawula leswaku ndzi Wu kombisa. A ndzi dyondzekanga. A ndzi na vutivi bya nechumu. Kambe i Moya wa Yena lowu wu swi endlaka, wa swi vona, nakona U lava leswaku u switiva leswaku ndzi ku byela Ntiyiso.

¹⁹⁶ Lowu i Ntiyiso, leswaku Yesu Kreste u endla leswaku un'wana na un'wana a hanyisiwa sweswi loko mi swi pfumela sweswo. Sweswi tani hi... Loko Wu tirhile eKingston, laha timixinari, kumbe un'wana loyi a ri kona kwalahaya, a nga Wu vona loko wu tirha eKingston, hi magidigidi ya lava va nga hanyisiwa, hikokwalaho ka yini Wu nga tirhi laha America

laha hi nga leswi hi nga xiswona sweswi? Hikokwalaho ka yini hi nga wu pfumeri? Hikuva a hi swi koti ku tlula xibalesa xexo lexi ntsongo halahaya. Xana ma swi pfumela? Yimisani mavoko ya n'wina.

¹⁹⁷ Sweswi, hi mavoko yalawo, ma tlhandlekeni eka loyi a nga ekusuhi na n'wina, mi nge ndzi n'wi khongelela kusuka kwalahawani, kutani susa ku kanakana hinkwako embilwini ya wena, leswi swi ta swi herisa.

¹⁹⁸ Oho, mina, Makwerhu Neville! Leswi ndzi swi naverisaka xiswona, leswi ndzi nga khongerisa xiswona, leswi ndzi... U nga ha ehleketa leswaku swi chupukile; a ndzi tano. Ndzi tiva laha ndzi nga yima kona. Loko ndzi nga kota ku kuma xilo lexi lexintsongo eka n'wina! Xana ma swi anakanya leswaku Yesu Kreste, N'wana wa Xikwembu, laha exikarhi ka vanhu mixo lowu, sweswi, u kona sweswi, wa tikombisa yi Yexe?

Kunene, mi ri, “Makwerhu Branham, *u vule tano.*”

¹⁹⁹ Xana ndzi swi vurise ku yini? A ndzi ku tivi. Ku na wansati un'wana a nga na TB. U horisiwile, sesi. A xi ku katekisi. Ndzi kombela ku rivaleriwa, a wu khongelela wansati loyi a nga na TB, hikuva i wansati loyi a nga basa nhloko. Ina. Hi swona, swi pfumeli. Hi swona. U kona kwala. I Vukona bya Yena.

²⁰⁰ Sweswi, hi leswi leswi Yena a nga swi vula, “Masingita lawa ma ta landzela lava va pfumelaka. Loko va nga tlhandleka mavoko ya vona eka lava va vabyaka, va ta hanya.” Xana A nga hemba njhani? Wa vona, a swile ka Yena, a swi le ka mina, sweswi swi le ka n'wina. Sweswi ma pfumela.

²⁰¹ Ndzi langutisile wansati lontsongo la nga tshama lahaya endzhaku sweswi, u na ripfumelo ro tala. Yena na nuna wa yena va hari lavantswa eHosini. U tshamile kwalahawani enhlengeletanweni, a karhatiwa hi kutshoveleka kutani dokodela a fanele a n'wi endla vuhandzuri, nakona n'wana u le kusuhu na ku tswariwa. Kutani dokodela a fanele ku n'wi endla vuhandzuri endzhaku ka sweswo, kambe n'wana u tswariwile nakona va kume leswaku wa ha ri hava hernia. A yi nyamalarile. Wa vona? Hikokwalaho ka yini? Ntsena u tshame tani hi... A nga si tshama a va ehenhla lahawani eka platifomo tani hi sweswo. Ntsena u lo titshamela endzhaku lahaya a pfumela. A hi swona, Manana Green, ndza pfumela leswaku hi swona, kwalaho endzhaku? Sweswo hi swona. Ndzi vona voko ra yena? Dokodela a nga ha kumanga hambi kuri ku tshoveleka, a swi nyamalarile. Hikokwalaho ka yini? Wa swi pfumela, ntsena u lo humela ehandle a ku, “Swi lulamile!”

²⁰² Sweswi u endla swo fana, kutani ku hlunama hinkwako ka n'wina ku ta suka. Xikwembu, Lexi xi nga—Lexi xi nga rhumela Swin'wana emirini wa munhu, eka vuxungu byebyo bya ku luma kwaloko ka nyoka loku a kuri enengeni wa wanuna yaloye, yi chela vuxungu, ku n'wi dlaya, kutani swi

yima kutani swi fela kwaloho, A nga tsandzeka njhani ku dlaya vuvabyi emirini wa wena. Hikuva, wanuna yaloye a ri eku tshikelekeni nakona a fanele a pfuniwa. U fanele ku va tano, na wena. Loko u nga pfuniwi, wa fa.

²⁰³ Sweswi tlhandleka voko ra wena eka un'wana. U nga tikhongeleri wena n'winyi, u khongeleta loyi a nga tlhelo ka wena. Sweswo i Vukreste.

²⁰⁴ Dyondza leswi, dyondza leswi, leswaku, tani hiloko u swi endla eka van'wana, u swi endlela Kreste. Loko u ri kahle eka un'wana, u kahle eka Kreste. Loko u nga khomi kahle un'wana, a wu khomi kahle Kreste. Oho, mina!

²⁰⁵ Oho, loko ntsena ndzi nga kuma leswi leswaku swi ya emahlweni, loko ntsena ndzi nga endla leswaku vanhu va swivona, leswi ndzi swi vonaka ni leswi ndzi titwisaka xiswona, ni leswi ndzi swi tivaka leswi swi yaka emahlweni, wa vona. Leswi Kreste a susumetisaka xiswona Hungu leri mixo lowu, ku ya ehansi etimbilwini ta vanhu ni ku tumbuluxa swin'wana kwalahaya; ku nga ri nyanyuko, ku nga ri maendlelo (swi ta na swona), kambe ku tumbuluxa ripfumelo leri nga fiki lahaya leri ri nga taka ri nga vuli, leswaku nyika nkarhi nyana eka nala.

²⁰⁶ Sweswi, U ta yingisela xikhongelo xa mina, U ta yingisela na xa n'wina. Mi khongeletana sweswi, loko ndza ha mi khongeleta hinkwenu.

²⁰⁷ O Hosi, eka nkarhi lowukulu wa ku hambukisa, hi swi lemukile leswaku leswi swi ta vula ku hambana exikarhi ka rifu na vutomi, eka votala. Kutani ndza rhurhumela eVukoneni bya Wena, hikuva ndza switiva, Hosi Xikwembu, leswaku ndzi fanele ku khongela hi mbilu ya mina hinkwayo. Ndza lemuka leswaku hambi loko kutava ku ri hava na munhu na un'we loyi avabyaka exikarhini ka hina eka ntlanu wa timinetse leti ti taka, leswaku munhu un'wana na un'wana u ta swi lemuka leswaku Wena u kwalahawani. Hi lava va yimile mixo lowu, Hosi. Pfumelela vanhu hinkwavo va yimisa mavoko lava tivaka leswaku a ndzi va tivi, na kuva ndzi nga tivi nchumu ha vona. Kambe Moya wa Wena wa va tiva. U tiva swuhundla swa timbila ta vona, ni leswi U switivisaka xi swona ku hlunama ka vona niku xaniseka ka vona! Kutani, Hosi, swi endle namuntlha, swi endle sweswi leswaku Moya wa Wena wu khumba mimiri leyi vabyaka. Hi nyike swona, Hosi. Vale ku khongeletaneni.

²⁰⁸ Kutani ndza khongela, Eka Xikwembu, leswaku Moya lowo Kwetsima wu ta swi endla swi va swa ntiyiso, leswaku va nga ha pfuki va nga ha wu tshebbi nakambe. Kutani ku na vuvabyi byin'wana, Hosi, lebyi byi nga byikulu kutlula vuvabyi bya ntolovelu bya nyama, i vuvabyi bya ximoya. Leswaku mbilu yin'wana na yin'wana yi nga pfuleka.

²⁰⁹ Hosi, xana swi ngava njhani sweswo leswi U yimeke hi tlhelo ra Abraham, kutani u endla leswi swi fanaka, u byela Sarah loyi a ri “endzhaku” ka Wena, Matsalwa ya ri, “u hlekile a ri endzeni ka tende,” Nakona U n’wi byerile. Kutani Abraham u swi lemukile leswaku a kuri Elohim, Xikwembu lexikulu. Hi timinetse nyana U nyamalarile u suka emahlwени ka yena.

²¹⁰ Kutani, Hosi, loko Yesu a yimile kutani a endla nchumu lowu wu fanaka, kutani a ku, “Mi vitanile Abraham leswaku i ‘tatana’ wa n’wina, kutani hambi swi ri tano mi ri mi tiva Matsalwa.” A ku, “Mi endla xihoxo, kuveni a mi ya tivi Matsalwa hambi Matimba ya Xikwembu.” Nakona va N’wi vitanile “Beelzebub.”

²¹¹ Kambe U tshembhisile leswaku emasikwini yo hetelela U ta chela Moya wa Wena nakambe. Muprofeta u teri, “Enkarhini wa madyambu ku tava na Rivoni.” Kutani hi hina lava.

²¹² Loko misava leyi hungukeke yi vumbuluka ehansi ka vudyoho, tani hi munhu loyi a pyopyiweke a dedeleka a ri karhi a ya ekaya na vusiku, ku ngari khale u ta pfurheteriwa exikarhi, ku ta pfumaleka na rintshuri ra vholkheno, hi ku tika, yi nga ta yi salela. Kutani hi vona nkarhi wu famba.

²¹³ O Xikwembu, susa ku kanakana hinkwako loku ku nga eka hina. Hi fambise eka xirhendzевutana xexo sweswi. Tana, Moya lowo Kwetsima. Ntlhantlha tipiko ta Wena letikulu, funengeta nhlengeletano leyi ntsongo ya vanhu va va yingiseri lava sweswi, kutani Wena u cheleta endzeni ka timbilu ta vona, nakona u va pfumelela va switiva leswaku U le Vukoneni bya Matimba, sweswo hi Wena, “Hi Mina Hosi leyi tshungulaka mavabyi hinkwawo.” Nakona leswaku Vukona bya Wena byi nga endla swin’wana etimbilwini ta vona leswi nga ta endla leswaku va famba kusuka lahawani, mixo lowu, va ri karhi va pfumela hinkwaswo leswi nga ka vona. Leswaku un’wana na un’wana loyi a vabyaka niku hlunama a nga ha hanyisiwa.

²¹⁴ Kutani, tani hi nandza wa Wena, ndza yima ni ku tshinya dimona rin’wana na rin’wana, ku tshinya vuvabyi, ku tshinya Sathana.

²¹⁵ U lahlekile, nakona a wo va nchumu wo va mukanganyisi. Nakona hi huwelela voko ra wena eka swona mixo lowu, hi Vito ra Yesu Kreste. Kutani tani hi nandza wa Yena, ku chumayela Rito ra Yena niku byela vanhu Ntiyiso, leswaku va lulama ni ku fola na Rito ra Xikwembu, ndza ku tshinya, Sathana, hi Vito ra Yesu Kreste. Suka eka un’wana na un’wana wa vanhu lava teke hile kule nale kusuhi, leswaku va hanyisiwa. U nghene eka ntshungu lowu na vanhu lava. Ndza ku hehla hi Xikwembu lexi hanyaka. Nakona Bibele yi

teri, "Ku hlamula hi xikongomelo, xikhongelo lexi xi pfurhaka xa munhu la lulameke xi koteke swinene." Nakona votala vavanuna lava lulameke va tlhandleke mavoko ya vona eka lava va vabyaka, mixo lowu lahayani. Oho, Sathana, u ta lava leswaku va ehleketa leswaku a kuri mina, kutani u susa ku kwetsima loku ku nga eka vona. Kambe i ripfumelo ra vona eka Xikwembu, na vona, va pfumela eka Xikwembu! Kutani u ta fanela ku suka, hi ripfumelo ra vona. Swingaleswi teka rendzo ra wena u famba lahayani, kutani u ya emunyameni laha u tshamaka kona. Na ku tshinya, hi Vito ra Yesu Kreste, hi matimba ya Bibele ya Xikwembu, ku lerisiwa ka mina hi Ntsumi. Sweswi famba, hi Vito ra Yesu Kreste, kutani va tshike va ntshuxekile. Amen.

²¹⁶ Xana ma pfumela, hi timbilu ta n'wina hinkwato, leswaku mi hanyisiwile? Yimisani mavoko ya n'wina, mi ku, "Sweswi ndzi amukela Yesu Kreste tani hi Muhanisi wa mina. Hinkwayo mindzhuti yi nyamalarile eka mina. Sweswi ndza N'wi amukela eMatimbensi ya Yena hinkwawo, emikatekweni ya Vukona bya Yena. Ndza N'wi amukela."

Ripfumelo ra mina ri languta ehenhla eka
Wena,
Wena Xinyimpfana xale Xihambanweni,
Muponisi lonene;
Sweswi ndzi yingise loko ndza ha khongela,
Susa swidyoho swa mina hinkwaswo,
U nga ndzi tshiki ndzi lahleka
Kusuka etlhelo ra Wena.

Sweswi a hi yimiseni mavoko ya hina hi ku N'wi tsakela sweswi.

Loko vutomi byi ri munyama ndzi
tsendzeleka,
Kutani gome eka mina ri engeteleka,
Akuve Wena Mufambisi wa mina, O
Xikwembu;
Endla munyama wu va ku vonakala,
Sula mahlomulo, ni ku chava ekule,
U nga ndzi tshiki ndzi tsendzeleka
Kusuka etlhelo ra Wena.

[Makwerhu Branham a sungula ku hama *Ripfumelo Ra Mina Ri Languta Ehenhla Eka Wena*.—Muhleri.]...hi tintswalo leti fuweke!



Kereke Ni Xiyimo Xa Yona
(The Church And Its Condition)
Mhawuri 5, 1956, Hi Sonto Ni Mixo

Nyangwa Wo Khuma
(Strait Is The Gate)
Nyenyakulu 1, 1959, Hi Sonto Ni Mixo

Kereke Leyi Yi Hambukiseke, Hi Misava
(A Deceived Church, By The World)
Khota-Vuxika 28, 1959, Hi Sonto Ni Mixo

Hungu leri hi Buti William Marrion Branham, ri sungule ku hangalasiwa hi Xinghezi eka Tabernakele ya Branham eJeffersonville, Indiana, U.S.A., ri tekiwile kusuka eka thepi yo kandziyisa ya maginetiki yi tsariwa hi Xinghezi.

TSONGA

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org